



六朝詩彙卷之五十二

慈谿張謙彙集

義烏王宗聖增彙

姑蘇陸師道校正

梁詩

高祖武帝

逸民四言

如壟生木木有異心如林鳴鳥鳥有殊音如江遊魚
魚有浮沉巖巖山高湛湛水深事迹易見理相難尋

籍田五言

寅賓始日出律中方星鳥仁化洽孩蟲德令禁胎夭
耕籍乘月映遺滯指秋杪年豐廉讓多歲薄禮節少
撰孔子正言竟述懷

志學耻傳習弱冠闕師友愛悅夫子道正言思善誘
刪次起實沈殺青在建西孤陋乏多聞獨學少擊叩
仲冬寒氣嚴霜風折細柳白水凝澗溪黃落散堆阜
康哉信股肱惟聖歸元首獨嘆予一人端然無四友

會三教

少時學周孔弱冠窮六經中復觀道書有名與無名
妙術鏤金版真言隱上清密行貴陰德顯證表長齡
晚年開釋卷猶日映衆星苦集始覺知因果乃方明
示教惟平等至理歸無生

靈空

物情異所異世心同所同狀如薪遇火亦似草行風
迷惑三界裡顛倒六趣中五愛性洞遠十相法靈冲
皆從妄所妄無非空對空

和太子懺悔

玉泉漏向盡金門光未成繚繞聞天樂周流揚梵聲
蘭湯浴身垢懺悔淨心靈萎草獲再鮮落花蒙重榮

乾闥婆

靈海自己極滄流去無邊蜃蛤生異氣闥婆鬱中天
青城接丹霄金樓帶紫烟皆從望見起非是物理然
因彼凡俗喻此中玄又玄

十喻幻

揮霍變三有恍惚隨六塵蘭園種五果雕案出八珍
對見不可信熟視事非真空生四岳想徒勞七識神

著幻是幻者知幻非幻人

如炎

亂念囑長原例見望遙肩透迤似江漢汎濫若滄溟
金波揚素沫銀浪翻綠萍遠思如可取近至了無形
執緣執惚逼渴愛渴心生

夢

甘寢隨四坐蓋睡依五衆違從競分諍美惡相戲弄
出家爲上首入仕作梁棟色已非真實聞見皆靈洞
長眠出長夜大覺和大夢

春歌

蘭葉始滿地梅花已落枝持此可憐意摘以寄心知

其二

花塢蝶雙飛柳堤鳥百舌不見佳人來徒勞心斷絕

夏歌

江南蓮花開紅光復碧水色同心復同藕異心無異

其二

閨中花如繡簾上露如珠欲知有所思停織復踟躕

其三

含桃落花日黃鳥營飛時君住馬已疲妾去蠶已饑

秋歌

繡帶合歡結錦衣連理文懷情入夜月含笑出朝雲

其二

當信抱梁期莫聽回風音鏡上兩人髻分明無兩心

冬歌

寒閨動黻帳密筵重錦席賣眼拂長袖含笑留上客

其三

別時鳥啼戶今晨雪滿墀過此君不返但恐綠鬢衰

恨却鳥窠其三
一年漏將盡
萬里人未歸
君志固有在
妾軀乃無依

寒閨連碧玉歌
杏梁日始照
蕙席歡未極
碧玉奉金杯
綠酒助花色

當計外
河中之水歌
雜體
河中之水向東流
洛陽女兒名莫愁
十三能織綺
十四採桑南陌頭
十五嫁為盧郎婦
十六生兒似阿侯

盧家蘭室桂為梁
中有鬱金蘇合香
頭上金釵十二
行足下絳履五文章
珊瑚挂鏡爛生光

平頭一作生輝光

奴子擎履箱
人生富貴何所望
恨不早嫁東家王

上雲樂七首
鳳臺曲

鳳臺上兩悠悠
悠雲之際神光朝
天極華蓋遏延州羽
衣昱耀春吹去
復留具

桐柏曲

桐柏真昇帝
賓戲伊谷遊
洛濱參差列
鳳筦容與起

梁塵望不可
至徘徊謝時人

方丈曲

王

王

王

王

王

王

王

方丈上峻層雲挹八玉御三雲金書發幽會碧簡吐
玄門至道虛凝冥然共所遵

方諸上上雲人業守仁從金集瑤池步光禮玉晨霞
益容長肅清虛伍列真

玉龜曲

玉龜山真長仙九光耀五雲生交帶要分影太華冠

晨纓考一作壽如玄羅出入遊太清

金丹曲

紫霜耀絳雪飛追以還轉復飛九真道方微千年不
傳一傳裔雲衣

金陵曲

勾曲仙長樂遊洞天巡會迹六門揖玉板登金門鳳
泉迴肆鷺羽降尋雲鷺羽一流芳芬鬱氛氲

江南弄

衆花雜色滿上林舒芳耀綠垂輕陰連手蹁跹舞春
心舞春心臨歲腴中人望獨踟躕

龍笛曲

美人綿眇在雲堂
雕金鏤竹眠玉床
婉愛寥亮繞紅梁
繞紅梁流月臺
駐狂風鬱徘徊

綠耀尅碧雕瑄笙
朱唇玉指學鳳鳴
流速參差飛且停
飛且停在鳳樓
弄嬌響間清謳

遊戲五湖採蓮歸
發花田葉芳襲衣
為君儂歌世所希
世所希有如玉
江南弄採蓮曲

江南稚女珠腕繩
金翠搖首紅顏興
桂棹容與歌采菱
歌采菱心未怡
霧羅袖望所思

朝雲曲

張樂陽臺歌上謁
如寢如興芳晻曖
容光既豔復還沒
復還沒望不來
巫山高心徘徊

遊女曲

氛氲蘭麝體芳滑
容色玉耀眉如月
珠佩嫋妮戲金闕
戲金闕遊紫庭
舞飛閣歌長生

古意二首

飛鳥起離離驚散忽差池嗷嘈繞樹上翩翩集寒枝
既悲征役久偏傷隴上兒寄言閨中妾此心詎能知
不見松蘿上葉落根不移
當春有一草綠花復垂枝云是忘憂物生在北堂陲
飛飛雙蛺蝶低低兩差池差池低復起此芳性不移
飛蝶雙復隻此心人莫知

遊仙

水華寃靈奧陽精測神秘具聞上仙訣留丹未肯餌
潛名遊柱史隱迹居郎位委曲鳳臺日分明栢寢事

蕭史暫徘徊待我升龍轡

擣衣

駕言易水北送別河之陽沉思慘行鑣結夢在空床
既寤丹綠謬始知紈素傷中洲木葉下邊城應早霜
陰蟲日慘烈庭草復云黃金風徂清夜明月懸洞房
娟娟同宮女助我理衣裳參差夕杵引哀怨秋砧揚
輕羅飛玉腕弱翠低紅粧朱顏日已興睇色增光
擣以一匪石文成雙鴛鴦制握斷金刀薰用如蘭芳
佳期久不歸持此寄寒鄉妾身誰與容思君苦入腸

戲作

宓妃生洛浦遊女出漢陽妖閑逾下蔡神妙絕高唐
綿駒且變俗王豹復移鄉况兹集靈異豈得無方將
長袂必留客清哇咸繞梁燕趙羞容止西施慙芬芳
徒聞殊可弄定自乏明璫

芳樹

綠樹始搖芳芳生非一葉一葉度春風芳芳自相接
雜色亂參差衆花分重疊重疊不可思思此誰能慙

楊叛兒

桃花初發紅芳草尚抽綠南音多有會偏重叛兒曲

閶闔篇

西漢本佳妍金馬望茸泉衛尉屯兵上期門曉漏傳
猶重河東賦欲知追神仙羽騎凌雲轉閶闔帶空懸
長旗掃月窟鳳迹輾星躔但使丹砂就能令億萬年

音賦空餘明月照高樓

圓魄當虛闥清光流思進進思照孤影悽怨還自憐
臺鏡早生塵匣琴又無弦悲慕屢傷節離憂亟華年
君如東扶景妾似西柳煙相去既路迴明晦亦朱懸

代陸平原君子有所思

誰言生離久適意與君別衣上芳猶在握裏書未滅
腰間雙綺帶夢爲同心結常恐所思露瑤華未忍折
朱絲玉柱羅象筵飛琯促節舞少年短歌流目未肯
前含笑一轉私自憐

白紵辭七言

又

織腰娟娟不任衣嬌怨獨立特爲誰赴曲君前未忍
歸上聲急調中心飛

登名山行

名山本鎮地迢邐上凌霄雲披金澗近霧起石梁遙
翠微橫鳥路珠樹拂星橋風急清溪晚霞散赤城朝

又

寓目幽棲客駕口尋綺季跡絕桃源士忘情漆園吏
沉冥負俗心踈索凌雲意蒼蒼聳極天伏眺盡山川
疊峰如積浪分崖若斜煙淺深聞渡雨輕重聽飛泉
采藥逢三島尋真遇九仙藏書凡幾代看傳已經年
逝將追羽客千載一來旋

遊鍾山大愛敬寺

才性之方便智力非善權歎逝比愆稔交臂乃奢年
從流既難及溺喪謂不然三苦恒追隨五熱自燒燃
貪癡養憂畏熱惱坐焦煎道心理歸終信首故宜先
駕言追善友迴輿尋勝緣面勢周大地縈帶及長川
稜層疊嶂遠迤邐磴道懸朝日照花林光風起香山
瑟居超七淨梵任喻八禪始得展身敬方乃遠心虔
菩提聖種子十方良福田正趣果上果歸依天中天
以我初覺意貽爾後來賢

首夏泛天池

薄遊朱明節泛漾天淵池舟楫互容與蘋藻相推移
碧沚紅菡萏白沙青漣漪新波拂舊石殘花落故枝
葉軟風易出草密路難披

雍臺

日落登雍臺佳人殊未來綺窓蓮花掩網戶琉璃開
芊茸臨紫桂蔓延交青苔月歿光陰盡望子獨悠哉

登北顧樓

歇駕止行警迴輿暫遊識清道巡丘整緩步肆登陟

鴈行上差池羊腸轉相逼歷覽窮天步躑躅盡地域
南城連池險北顧臨水側深潭下無底高岸長不測
舊嶼石若構新洲花似織
日茂登臨 天安寺蔬圃堂
乘和蕩猶豫此焉聊止息連山去無限長洲望不極
參差照光彩左右皆春色晻曖矚游絲出沒看飛翼
其樂信忘返倏然寧有飾

七夕

白露月下圓秋風枝上鮮瑤臺含碧霧羅幙生紫烟

妙會非綺節佳期乃涼年玉壺承夜急蘭膏依曉煎
昔悲漢難越今傷河易旋怨咽雙念斷悽悼兩情懸
望織女

盈盈一水邊夜夜空自憐不辭精衛苦河水未可填
寸情百重結一心兩處懸願作雙青鳥共舒明鏡前
織婦

送別出南軒離思沉幽室調梭輟寒夜鳴機罷秋月
良人在萬里誰與共成匹願得一迴光照此憂與疾
君情倘未忘妾心長自畢

代蘇屬國婦

良人如我期不謂當過時秋風忽送節白露凝前基
愴愴獨涼枕悵悵孤月惟忽聽西北鴈似從東海湄
果啣萬里書中有生離辭惟言長別矣不復道相思
胡羊久剽奪漢節故支持帛上看未終臉下淚如絲
空懷之死誓達勞同穴詩

賜張率

東南有才子故能服官政余雖慙古昔得人今爲盛

直石頭

率土皆王土安知全高尚東壟棄黍稷西遊入卿相
屬逢利建始投分參末將尺寸功未施河山賞已諒
攝官因時暇曳裾聊起望鬱盤地勢遠參差百雉壯
翠壁絳霄際丹樓青霞上夕池出濠渚朝雲生疊嶂
籠鳥易爲恩屠羊無飾讓泰階端且平海水本無浪
小臣何日歸頓轡從間放

邊戍

秋月出中天遠近無偏異共照一光輝各懷離別思

紫蘭始萌

種蘭玉臺下氣暖蘭始萌芬芳與時發婉轉迎節生
獨使金翠嬌偏動紅綺情二遊何足壞一顧非傾城
羞將苓芝侶豈畏鷓鴣鳴

詠舞

腕弱復低舉身輕由廻縱可謂寫目歡方與心期共

詠筆

昔聞蘭蕙月獨是桃李年春心倘未寫爲君照情筵

詠燭

堂中綺羅人席上歌舞兒待我光泛艷爲君照參差

詠笛

柯亭有竒才含情復抑揚妙聲發玉指龍音響鳳凰

聯句

傾城非人美十載難重逢雖懷軒中意愧無髻

一作鬢

髮容

六朝詩彙卷之五十二

梁容

則知非人美十薄蝶車發與神中意則無誤

細

精苗



六朝詩彙卷之五十三

梁詩

昭明太子

示徐州弟四言

宴君晝室靖眺銅池三墳既覽四始兼摛高宇既清
虛堂復靜義府載陳玄言斯逞

同大僧正講

放光聞鷲岳金牒秘香城窟原絕有際離照歸無名
若人聆至寂寄說表貞冥能令梵志遣亦使羣魔驚

掖影連高塔法鼓亂嚴更雷聲芳樹長月出地芝生
已生法味樂復悅玄言清何因動飛轡暫使塵勞輕

開善寺法會

棲鳥猶未翔命駕出山莊詰屈登馬嶺迴互入羊腸
稍看原藹藹漸見岫蒼蒼落星埋遠樹新霧起朝陽
陰池宿早鴈寒風催夜霜茲地信閑寂清曠唯道場
玉樹瑤璃水羽帳鬱金牀紫柱珊瑚地神幢明月璫
牽羅下石磴攀柱陟松梁澗斜日欲隱烟生樓半藏
千祀終何邁百代歸我皇神功照不極睿鏡湛無方

法輪明暗室慧海渡慈航塵根久未洗希霑垂露光

講席將訖賦三十韻

法苑稱嘉柰茲園美脩竹靈覺相招影神仙共栖宿
慧義比瑤瓊薰染等蘭菊理玄方十筭功深似九築
巫水驚銀舟方衢列金軸微言絕已久煩勞多累蓄
因慈闡慧雲欲使心兼伏八水潤焦芽三明起羣目
寶鐸旦參差名香晚芬郁暫捨六龍駕微祛二鼠蹙
意樹發空花心蓮吐輕馥喻斯滄海變譬彼菴羅熟
妙智方縹錦深辭同霧縠善學同梵瓜直言異銅腹

逶迤合蓋城葳蕤布金郁珠華蔭八溪玉流通九谷
青禽乍下上雲鴈飛翻覆高談屬時聽寡聞終自恣
日麗鴛鴦瓦風度蜘蛛屋落藹散香霏浮雲卷遙族
曠濟同象園中乘如佇獨後啖難堅明初心易驚縮
應當離花水無令乖漆木投巖不足貴棘林安可宿
器月希留影心灰無方櫟親愛同採蜂遊善如原菽
八邑仙人山四寶神龍澳藥樹水繁稠禪枝詎凋槭
以茲悅聞道庶此優馳逐願追靈寶車脫屣親推轂

相逢狹路間

京華有曲巷曲曲不通輿道逢一狹客緣路問君居
君居在城北可尋復易知朱門間皓壁刻楠映晨離
階植若華草光影逐颺移輕憶委四屋蘭膏然百枝
長子飾青紫中子任以貲小子始總角方作啼弄兒
三子俱入門赫奕盛羽儀驂駟服銜轡白玉鏤鞮羈
容止同規矩賓從盡恭卑雅鄭時間作孤竹乍參差
雲飛離水宿弄吭滿青池懽樂無終極流目豈知疲
門下非毛遂坐上盡英竒大婦成具錦中婦飾粉純
小婦獨無事理曲步簷垂丈人暫徙倚行使流風吹

名士悅傾城

美人稱絕世麗色譬花叢雖居李城北來往宋家東
教歌公主第學舞漢城宮多遊淇水上好在鳳樓中
履高疑上砌裾開特畏風輕衫見跳脫珠概雜青虫
垂絲遶帷幔落日度房櫳粧牕隔柳色井水照桃紅
非憐交甫珮羞使春閨空

蓮舟買荷度

採蓮前岸隈舟子屢徘徊披衣可識風踈荷香不來
欲知當度處當看荷葉開

照流看落釵

相隨照綠水意欲重涼風流搖粧影壞釵落鬢花空
佳期在何許徒傷心不同

長相思

相思無終極長夜起嘆息徒見貌嬋娟寧知心有憶
寸心無以因願附歸飛翼

有所思

公子遠于隔乃在天一方望望江山阻悠悠道路長
別前秋葉落別後春花芳雷歎一聲響雨淚忽成行

長望情無極傾心還自傷

上林

千金腰褭騎萬斤流水車爭遊上林苑高蓋逗春華

詠書帙

擢影兔園池抽莖淇水側幸雜網囊用聊因斑女織

美人晨粧

北牕向朝鏡錦帳復斜縈嬌羞不肯出猶言粧未成
散黛隨眉廣燕脂逐臉生試將持出衆定得可憐名

和林下作妓詩應令

炎光向夕歛徒宴臨前池泉將影相得花與面相宜
箎聲如鳥哢舞袖寫風枝歡樂不知醉千秋長若斯

詠彈箏人詩

故箏猶可惜應度新人邊塵多澀移柱風燥脆調絃
還作三作曲誰念九重泉

三婦豔

大婦舞輕巾中婦拂華茵小婦獨無事紅黛潤芳津
良人且高卧方欲薦梁塵

將進酒

洛陽輕薄子長安遊俠兒宜城溢渠益中山浮羽卮

採蓮曲雜體

桂楫蘭橈浮碧水江花玉面兩相似蓮踈藕折香風起香風起白日低採蓮曲使君迷

龍笛曲

金門玉堂臨水居一頓一笑千萬餘遊子去還願莫踈願莫踈意何極雙鴛鴦兩相憶

江南曲

枝中水上春併歸長揚掃地桃花飛清風吹人光照

衣光照衣景將夕擲黃金留上客

大言

觀脩鯤其若鰈鮒視滄海之如濫觴經二儀而跼蹐跨六合以翱翔

細言

坐卧鄰空塵憑附蟪蛄翼越咫尺而三秋度毫釐而九息

宣帝

建除

建國惟神業十世本靈長除苛逾漢祖徯后類殷湯
滿盈既虧度否運理還康平階今復覩德星行見祥
定寇資雄略靜亂屬賢良執訊窮郢魯弔伐徧徐揚
破敵勲庸盛佩紫且懷黃危苗既已竄妖沴亦云亡
成功勒雲社治定理要荒收戟歸農器牧馬恣芻場
開山接梯路架海擬山梁閉欲同彭老延壽等東皇
迎舍利

釋迦稱散體多寶號金軀白玉誠非比黃金良莫踰
變見絕言象端異乃冥符靈知雖隱顯妙色豈榮枯
唯當千劫後方成無價珠

詠麈尾

匣上生光影豪際起風流本持談妙理寧是用催牛
蘭

梨

折莖聊可佩入室自成芳
開花不競節含秀委微霜
大谷常流稱南荒本足珍
綠葉已承露紫實復含津

百合

接葉有多重
開花無異色
含露或低垂
從風時偃抑

子

虞人招不進繁氏久稱工已悲軒主跡復挹楚王風

紙

皎白猶霜雪方正若布基宣情且記事寧同魚網時

牀

衡山白玉鏤漢殿珊瑚枝踞膝申久坐屢好為頻移

履

雙見聲宜並飛時表異處卑彌更妍常安豈悲墜

六朝詩彙卷之五十三

六朝詩彙卷之五十四

梁詩

元帝

詠風

樓上起朝粧風花下砌傍入鏡先飄粉翻衫好染香
度舞飛長袖傳歌共繞梁欲因吹少女還將拂大王

詠霧

三晨生遠霧五里闔城闈從風疑細雨映日似遊塵
乍若輕煙散時如佳氣新不妨鳴樹鳥時蔽摘花人

又
曉霧晦階前垂珠帶葉邊五里浮長隰三辰暗遠天
傍通似佳氣却望若飛煙踈簾還復密斷棟更疑連
還思逢樂廣能令雲霧褰

詠細雨

風輕不動葉雨細未霑衣入樓如霧上拂馬似塵飛

望江中月

澄江涵皓月水影若浮天風來如可汎流急不成圓
秦鏡斷復接和璧碎還聯裂純依岸草斜桂逐行船

即此春江上無俟百枝然

望春

葉濃知柳密花盡覺梅踈蘭生未可握蒲小不堪書

春日

新鶯隱葉轉新燕向牕飛柳絮時依酒梅花乍入衣
玉珂遂風度金鞍照日輝無令春色晚獨望行人歸

其二

春還春節美春日春風過春心日日異春情處處多
處處春芳動日日春禽變春意春已繁春人春不見

不見懷春人徒望春光新春愁春自結春結誰能申
欲道春園趣復憶春時人春人竟何在空爽上春期
獨念春花落還似惜春時

納涼

高春斜日下佳氣滿欄楹池紅早花落水綠晚苔生
星稀月稍上雲開河尚橫白鳥翻帷暗丹螢入帳明
珠綦趨北閣玳席徙南榮金鋪掩夕扇玉壺傳夜聲

秋夜

秋夜九重空蕩子怨房櫳燈光入綺帷簾影穿屏風

金徽調玉軫茲夜撫離鴻

古意

妾在成都縣願作高唐雲樽中石榴酒機上蒲萄裙
停梭還斂色何時勸使君

芳樹

芬芳君子樹交柯御宿園桂影含秋月桃花染春源
落英逐風聚輕香帶葢翻叢枝臨北閣灌木隱南軒
交讓良宜重成蹊何用言

劉生

任俠有劉生然諾重西京扶風好驚坐長安恒借名
榴花聊夜飲竹葉解朝醒結交李都尉遨遊佳麗城

長安道

西接長楸道南望小平津飛甍臨綺翼輕軒影畫輪
雕鞍承赭汗槐路起紅塵燕姬雜趙女淹留重上春

關山月

朝望清波道夜上白登臺月中含桂樹流影自徘徊
寒沙逐風起春花犯雪開夜長無與晤衣單誰爲裁

紫騮馬

長安美少年金絡錦連錢宛轉青絲鞵照耀珊瑚鞭
依槐復依柳蹀躞復隨前方逐幽并去西北共連翩

班婕妤

婕妤初選入含媚向羅幃何言飛鸞寵青苔生玉墀
誰知同輦愛遂作裂紈詩以茲自傷苦終無長信悲

半路溪

相逢半路溪隔溪猶不渡望望判如是翩翩識行步
摘贈蘭澤芳欲表同心句先將動舊情恐君疑妾妬

巫山高

巫山高不窮迥出荆門中灘聲下濺石猿鳴上逐風
樹雜山如畫林暗澗疑空無因謝神女一爲出房櫳

隴頭水

銜悲別隴頭關路漫悠悠故鄉迷遠近征人分去留
沙飛曉成幕海氣旦如樓欲識秦川處隴水向東流

驄馬驅

朔風寒氣重胡關饒苦霧白雪晝疑山黃雲宿埋樹
連翩行役子終朝征馬驅試上金微山還看玉關路

折楊柳

巫山巫峽長垂柳復垂楊同心宜同折故人懷故鄉
山似蓮花艷流如明月光寒夜猿鳴徹遊子淚沾裳

晚棲鳥

日暮連翩翼俱向上林棲風多前鳥駛雲暗後羣迷
路遠聲難徹飛斜行未齊應從故鄉返幾過入蘭閨
借問倡樓妾何如蕩子妻

洛陽道

洛陽開大道城北達城西青槐隨幔拂綠柳逐風低
玉珂鳴戰馬金爪鬪塲雞桑萎日行暮多逢秦氏妻

金樂歌

啼鳥怨別偶曙鳥憶離家石闕遺書字金鐙飄落花
東方曉星沒西山晚日斜敝衫迴廣袖團扇掩輕紗
暫借青驄馬來送黃牛車

賦得登山馬

登山馬徑小徑大馬纔通汗赭疑沾勒衣香不逐風
何殊隴頭望遙識祁連

賦得蒲生我池中

池中種蒲葉葉影蔭池濱未好官中薦行堪隱士論

爲書聊可截匹柳復宜春瑞葉生符苑鏤壁獻周人

賦得涉江採芙蓉

江風當夜清桂棹逐流縈初疑京兆劍復擬漢冠名
荷香風送遠蓮影向根生葉卷珠難溜花舒紅易輕
日暮鳧舟滿歸來度錦城

賦得蘭澤多芳草

春蘭本無艷春澤最威蕤燕姬得夢罷尚書奏事歸
臨池影入浪從風香拂衣當門已芬馥入室更芬菲
蘭生不擇徑十步豈難稀

飛來雙白鶴

紫蓋學仙成能令吳市傾逐舞隨踈節聞琴應別聲
集田遙赴影隔霧近相鳴時從洛浦渡飛向遼東城

又

飛來雙白鶴奮翼遠凌煙雙棲集紫蓋一舉背青田
鵬影過伊洛流聲入管絃鳴群倒景外刷羽聞風前
映海疑浮雪拂澗瀉飛泉燕雀寧知去蜉蝣不識還
何言別儔侶從此間山川顧步已相失徘徊反自憐
危心猶警露哀響詎聞天無因振六翮輕舉復隨仙

吳趨行

水裏生葱翅池心恒欲飛蓮花逐牀返何時乘舸歸

長歌行

當壚擅旨酒一卮堪十千無勞蜀山鑄扶授采金錢
人生行樂爾何處不留連朝爲洛生詠夕作據梧眠
忽茲忘物我優游得自然

燕歌行

燕趙佳人本自多遼東少婦學春歌黃龍戍北花如
錦玄兔城前月似蛾如何此時別夫婿金羈翠眊往

交河還聞入漢去燕管怨妾愁心百恨生漫漫悠悠
天未曉遙遙夜夜聽寒更自從異縣同心別偏恨同
時成異節橫波滿臉萬行啼翠眉暫斂千里結并海
連天合不開那堪春日上春臺惟見遠舟如落葉復
看遙舸似行杯沙汀夜鶴嘯羈雌妾心無趣坐傷離
翻嗟漢使音塵斷空傷賤妾燕南陸

從軍行

寶劍飾龍淵長虹畫彩舳山虛和鏡管水淨寫樓船
連雞隨火度燧象帶烽然洞庭晚風急瀟湘夜月圓

荀令多文藻臨戎賦雅篇

採蓮曲

碧玉小家女來嫁江南王蓮花亂臉色荷葉雜衣香
因持薦君子願襲芙蓉裳

烏棲曲

幄中清酒碼碯鍾裙邊雜佩琥珀龍虛持寄君心不
惜共指三星今何夕

其二

濃黛輕紅點花色還欲令人不相識金壺夜水詎能

多莫持奢用比懸河

其三

沙棠作船桂爲檝夜渡江南採蓮葉復值西施新浣
沙共向江干眺月華

其四

月華似璧星如珮流影澄明玉堂內邯鄲九投朝始
成金卮銀椀共君傾

其五

蛟龍成錦鬪鳳紋芙蓉爲帶石榴裙目下城南兩相

望月沒參橫掩羅帳

其六

七彩隨珠九華玉蛺蝶爲歌明星曲蘭房椒閣夜方
開那知步步香風逐

嶰谷管新抽淇園節復脩作龍飛葛水爲馬向并州

柯亭臨絕澗桃枝夾細流寇學芙蓉樣花堪威鳳游
印王若有獻張騫應拜侯

梅

梅含今春樹還臨先日池人懷前歲憶花發故年枝

王苦木柳

長條垂拂地輕花上逐風露露疑染綠葉小未鄣空

萱

可愛宜男草垂采映倡家何時如此葉結實復含花

細草

依堦疑綠蘚傍渚若青苔漫生雖欲遍人跡會應開

看摘薔薇

倡女倦春裙迎風戲玉除近叢看影密隔樹望釵踈

橫枝斜縮袖嫩葉下牽裾墻高舉不及花新摘未舒
莫疑插髻少分人猶有餘

賦得石榴

塗林未應發春暮轉相催燃燈疑夜火連珠勝早梅
西域移根至南方釀酒來葉翠如新剪花紅似故栽
還憶河陽縣映水珊瑚開

雲陽樓簷柳

楊柳非花樹依樓自覺春枝邊通粉色隙一作裏映
紅巾帶日交簾影因吹掃石塵拂簷因有意偏宜桃

李人

池中燭影

魚燈且滅燼鶴燄暫停輝自有銜龍燭清光入朱扉
映水疑三燭翻池類九微入林如燐影度渚若螢飛
河低扇月落霧上珠星稀章華終宴所飛蓋且相追

螢火

著人疑不熱集草訝無煙到來燈下暗翻往雨中然

出江陵縣

遊魚迎浪上雒雒向林飛遠村雲裏出遙帆天際歸

又

朝出屠羊縣夕反仲宣樓水滿還侵岸沙盡稍開流

赴荊州泊三江口

涉江望行旅金鉦間綵游水際含天色虹光入浪浮
柳條恒掃岸花氣盡薰舟叢林多故社單戍有危樓
疊鼓隨朱鷺長簫應紫騮蓮舟夾羽斃畫舸覆緹油
榜歌殊未息於茲泛空流

臨荊州

擁旄去京縣褰袂辭未央弱冠復王役從容張

不學胡威縮寧挂裴潛牀所冀方留犢行當息飲羊
戲蝶時飄粉風花乍落香高欄來蕙氣踈簾度晚光
綺錢臨反宇阿閣遶長廊

關里尚撝謙厲鄉裁知足咨余再分陝少思宜寡欲
霞出浦流紅苔生岸泉綠方令江漢女變爲鄒魯俗

別荊州吏民

玉節居分陝金貂總上流麾軍時舉扇作賦且登樓
年光徧原隰春色滿汀洲日華三翼舸風轉七星游

向解青絲纜將移丹桂舟

其二

寄言謝桀點無乃氣干雲安知灞陵下復有李將軍

其三

莫言江漢遠烟霞隔數千何必黃丞相重應臨潁川

六朝詩彙卷之五十四

六朝詩彙卷之五十四
其言云其表秋雲即燬于阿必黃亦味重顯詞賦
其言云其表秋雲即燬于阿必黃亦味重顯詞賦
其言云其表秋雲即燬于阿必黃亦味重顯詞賦
其言云其表秋雲即燬于阿必黃亦味重顯詞賦

六朝詩彙卷之五十五

梁詩

元帝

蕃難未靜述懷

玉節威雲夢金鉦韻渚宮霜戈臨塹白日羽映流紅
簞醪結猛將芳餌引群雄箭擁淇園竹劍聚若溪銅
亟覩周王駿多逢鮑氏驄謀出河南賈威寄隴西馮
溪雲連陣合却月半山空樓前飄密柳井上落疎桐
差營逢靈雨立壘掛長虹

去丹陽尹荆州

驂駕乘駟馬謁帝朝承明分符蒞閩越終然慚勵精
副君垂獎盼仁慈穆且敦終朝陪北閣清夜侍西園
降貴深知已寧思食樵恩未嘗辭畫室誰忍去輶轅

祀伍相廟

石城寧足拒金陣詎能追楚關開六塞吳丘入九圍
山水猶縈帶城池失是非空餘壽宮在日暮舞靈衣

和劉尚書兼明堂齋宮作

質明攝上宰詰早乘車軒四圭邸蒼玉六變舞雲門

香浮鬱金酒煙繞鳳皇樽貂冕交暉映珩珮自相喧
微風颺青管輕雨發陳根新花臨御陌春色起天園
河間獻樂語斯道愧能論

和劉尚書侍講五明集

汲引留宸鑒舟航動睿情法王惟一法無生信不生
日宮佳氣滿月殿善風清綺錢敞西觀緹幔卷南營

和鮑常侍龍川館

珍臺接閒館迢遞山之旁多解三真術俱善四明方
玉題書仙篆金榜燭神光桂影侵檐進藤枝繞檻長

苔文隨溜轉梅氣入風香

送西歸內人

秋氣蒼茫結孟津復送巫山薦枕神昔時慊慊愁應
去今日勞勞長別人

寒閨

烏鵲夜南飛良人行未歸池水浮明月寒風送搗衣
願織迴文錦因君寄武威

代舊姬有怨

寧爲萬里別乍作死生離那堪眼前見故愛逐新移

未展春花落遽被秋風吹怨黛舒還斂啼粧拭更垂
誰能巧爲賦黃金妾不貲

賦得春菽

翠莢玉池前遙映江南蓮非秋無有眊未燒不生煙

春別應令

昆明夜月光如練上林朝花色如霞花朝月夜動春
心誰忍相思不相見

其二

試看機上蛟龍錦還瞻庭裏合歡枝暎日通風影珠

慢飄花拂葉度金池不聞離人當重合唯悲合罷會
成離

其三

門前楊柳亂如絲直置佳人不自持適言新作裂紈
詩誰悟今成織索辭

其四

日暮徙倚渭橋西正是流月與雲齊若使月光無近
遠應照離人今夜啼

其五

別罷花枝不共攀別後書信不相關欲覓行人寄消
息夜隨潮水暝應還

其六

三月桃花合面脂五月新油好煎澤莫復臨時不寄
人漫道江中無估客

夜宿栢齋

燭暗行人靜簾開雲影入風細雨聲遲夜短更籌急
能下班姬淚復使倡樓泣况此客遊人中宵空佇立
遊後園

暮春多淑氣斜景落高春日照池光淺雲歸山望濃
入林迷曲徑渡渚隔危峯
晚景遊後園
高軒聊騁望渙景入川梁波橫山度影雨罷葉生光
日移花色異風散水紋長

後園看騎馬
良馬出蘭池連翩驅桂枝鳴珂隨跼蹶輕塵逐影移
香來知驟近汗斂覺風吹遙望黃金絡懸識幽并兒

登顏園故閣

高樓三五夜流影入丹墀先時留上客夫婿芙蓉姿
粧成理蟬鬢笑罷斂蛾眉衣香知步近釧動覺行遲
如何舞館樂翻見歌梁悲猶懸北牕幌未捲南軒帷
寂寂空郊暮非復少年時

登江州百花亭懷荆楚

極目纔千里何由望楚津落花灑行路垂柳拂砌塵
柳絮飄晴雪荷珠漾水銀試酌新春酒遙勸陽臺人
登隄望水

驅馬河隄上非謂城隅遊懷山殊未已徒然勞九愁

旅泊依村樹江槎擁戍樓高岸翻成浦曲港反通舟
棗野良知嘆瓠河今可儔願假宣尼術泗水却橫流

泛蕪湖

桂潭連菊岸桃李映成蹊石文如濯錦雲飛似散珪
橈度菱根反船去荇枝低颿隨迎雨燕鼓逐伺潮雞

和林下作妓詩應令

日斜下北閣高宴出南榮歌清隨澗響舞影向池生
輕花亂粉色風篠雜絃聲獨念陽臺下願待洛川笙
夕出通波閣下觀妓

蛾眉漸成光燕姬戲小堂胡舞開春閣鈴盤出步廊
起龍調節鼓却鳳點笙簧樹交臨舞席荷生夾妓航
竹密無分影花疎有異香捉盃特笑語歡茲樂未央

彈箏

橫箏在故帷忽憶上絃時舊柱未移處銀帶手經持
悔道啼將別教成今日悲

又

瑠柱動金絲秦聲發趙曲流徵含陽春美手過如玉

落日射罽

促宴引枚鄒中園觀獸侯日度棚陰廣風橫旗影浮
移竿標入箭疊鼓送爭籌附枝時可息言從清夜遊

詠歌人

汗輕紅粉濕坐久翠眉愁傳聲入鐘磬餘轉雜篴篥

戲作艷詩

入堂值小婦出門逢故夫含辭未及吐絞袖且踟躕
搖茲扇似月掩此淚如珠今懷同無已故情今有餘

離合

沈寥雲物淨水木備春光龕定方無遠合浦不難航

姓名

征人習水戰辛苦配戈船夜城隨偃月朝軍逐避年
龍吟澈水度虹光入夜圓濤來如陣起星上似烽然
經時事南越還復討朝鮮

縣名

長陵新市北鄭衛好容儀先過上蘭苑還牽高柳枝
薄粧宜入鏡舒花堪照池蒲州涵水色椒壁雜風吹
此時方夜飲平臺傳羽卮

草名

胡王迎娉主塗經蒯北遊金錢買含笑銀缺影梳頭
初控遊龍馬仍移卷柏舟中江離思切蓬鬢不堪秋
况度菖蒲海落月似懸鉤

藥名

戍客恒山下常思衣錦歸况看春草歇還見鴈南飛
蠟燭凝花影重臺閉綺扉風吹竹葉袖綢綴流黃機
詎信金城裏繁露曉霑衣

樹名

桃李競追隨輕衫露弱枝杏梁始東照柘火未西馳

香因玉釧動佩逐金衣移柳葉生眉上珠璫搖鬢垂
逢君桂枝馬車下覓新知

相名

仙人賣玉杖乘鹿去山林浮杯度池曲摩鏡往河陰
井內書銅板竈裏化黃金妻搵五明扇妾弄一絃琴
暫遊忽千里中天那可尋

方舟去鵝鵲引欲相要晨鳧移去舸飛鷺動歸橈
雞人憐夜刻鳳女念吹簫雀釵照輕幌翠的繞纖腰

復聞朱鷺曲鉦管雜迴潮

獸名

豹韜求秘術虎略選良臣
水涉黃牛浦山過白馬津
摧鋒上孤塞畫象入麒麟
果下新花落桃枝芳樹春
王孫及公子熊席復橫陳

屋名

梁園氣色和斗北共相過
玉柱調新曲畫扇掩餘歌
深潭影菱菜絕壁挂輕蘿
木蓮恨花晚薔薇嫌刺多
合情戲芳節徐步待金陵

船名

天際浮雲飛三翼自相追
池模白鵠舞檐知青雀歸
華淵通轉塹伏檻跨相磯
松澗流星影桂牕斜月暉
思君此無極高樓淚染衣

車名

長墟帶江轉連薨映日分
佳人坐椒屋接膝對蘭薰
繞砌縈流水邊梁圖畫雲
錦邑懸殊衆衣香遙出群
日暮輕帷下黃金妄一作忘
贈君

龜兆名

土膏春氣生倡女協春情魚遊連北水鵠作遼東鳴
折梅還插鬢盪柱更移聲銀燭含朱火金爐對寶笙
背枝凝夕焰却月隱高城

將軍名

虎旅皆成陣龍騎盡能踣揚鞭俱破虜決勝往長榆
細柳浮輕暗大樹繞栖烏樓船寫退鷁檣烏狎飛鳧
度河還自許偏與功名俱

宮殿名

杯間花欲燃竹徑露初圓鬪雞東道上走馬北塲邊

合歡依暝巷蒲萄向日鮮旗亭覓放香車迎董賢
定隔天淵水相思夜不眠

斜冗名

金推五百里日晚唱歸來車轉承光殿步上通天臺
釵臨曲池影扇拂玉堂梅先取中庭入罷逐步廊迴
下關那早閉人迎已復開

六朝詩彙卷之五十五

六朝詩彙卷之五十六

不關恨早閉人豈已開

始謂曲成澤氣轉王堂社衣双中到入器委我風賦

金計五百里日郊即轉來車轉承火烟走土殿天室

陳武公

大國

金

六朝詩彙卷之五十六

梁詩

簡文帝

應令四言

微軀多幸接萼嘉運紫幄承慈青衿稟訓傍玉流温
依蘭染薰百氏既洽六義乃摛辭河瀉潤高論忘疲
翠幙晨宇朱光夜池窓斜八綺燈懸百支

南郊頌

肅恭明神逖聽前踵配天道尊迎陽義重玄酒陶匏

六月寺

燔柴雲登跨舜論韶籠堯稱拱郊宮載靜紫壇新謚
肅肅禁園陰陰仙室六戎列野八鑾昭日架殿星羅
重宮霧出康哉德盛美矣時豐三辰增曜七政永崇
五方來洎四隅茲通懸繩度窄駕鹿追風旣敷懋化
復覩瑞滋金車出野玉露霑墀紫脫神章華平瑞芝
長愉汪濊永固雍熙

侍講五言

物善渥深慈監撫宣王事英邁八解心高超七花意

和會三教

聚沫多緣假標空非色香漢君雖起夢晉后徒降祥
玄機昔未辯洞鑒資我皇

蒙豫懺悔

皇情矜幻俗聖德愍重昏制書開攝受絲綸廣慧門
時英滿君囿法侶盛天園俱消五道縛共蕩四生冤
三循祛愛馬六念靜心猿庭深仗彩艷地寂伎聲喧
上風吹法鼓垂鈴鳴晝軒新梅含未發落桂聚還翻
早燈藏石磴寒潮浸水門一期蒙誘善方願遣籠樊

日出興業寺講

沐方肅朝帶駕言祇淨宮羽旗承去影鏡吹雜還風
吳戈夏服箭驥馬綠沉弓水照柳初碧煙含桃半紅
見鶴徒知謬察象理還同方知惡四辯奚用語三空
三言去矣 十空如幻 以法與衆 文深理出 亦文辭旨
漢安設大響周穆置南臺三里生雲霧瞬息起冰雷
空持生識縛徒用長心災慧人恒棄捨庸識屢還迴
六塵俱不實三界信悠哉

如夢

祕駕良難辯司夢並成虛未驗周爲蝶安知人作魚
空聞延壽賦徒勞岐伯書潛令六識擾安能二惑除
當須耳應滿然後會真如

如影

朝光照皎皎夕漏轉駸駸晝花斜色去夜樹有輕陰
並能與眼入俱持動惑心息形影方止逐物慮恒侵
若悟假名淺方知實相深

如響

疊障迥參差連峯欲相拒遠聞如句味遙應成言語
竟無五聲實誰謂八音所空成顛倒群徒迷塵縛侶

一草言實卷之三十一
三十一
愍哉火宅中茲心良可去

水月

圓輪既照水初生亦映流溶溶如漬璧的的似沉鈎
非關顧免設豈是桂枝浮空令誰雅識還用喜騰猴
萬累若消蕩一相更何求

鏡象

精金宛成器懸鏡在高堂後挂七龍網前發四珠光
迥望疑垂月傍瞻譬壁璫仁壽含萬類淮南辯四鄉
終歸一念有何關至道場

夜望浮圖上相輪

光中辯垂帶霧裏見飛鸞定用方諸水特添承露盤

蒙華林園戒詩

庸夫耽世樂俗士重虛名三空既難了八風恒易傾
伊余久齊物本自一枯榮弱齡愛箕穎由來重伯成
非爲樂肥遯特是厭逢迎執珪守蕃國主器作元貞
昔日書銀字久自慙宗英斯焉佩金璽何由廣德馨
居高常慮缺持滿每憂盈茲言信非矯丹心良可明
舟航奉睿訓接引降皇情心燈朗暗室牢舟出愛瀛

是節高秋晚沉寥天氣清郊門光景麗祈年雲霧生
紅蕖間青瑣紫露濕丹楹葉疎行徑出泉溜遠山鳴
綠衿依浦伐絳纈拂林征庶蒙八解益方使六塵輕
脫聞詩可去非悵捨重城

虎窟山寺

細松斜繞徑峻嶺半藏天古樹無枝葉荒郊多野烟
分花出黃鳥挂石下新泉蒼鬱均雙樹清靈類八禪
棲神紫臺上縱意白雲邊徒然嗟小藥何由齊大年

望同泰寺浮圖

遠看官佛圖帶壁復垂珠燭龍踰漢汝寶驛邁昆吾
日起光芒散風吟宮徵殊露落盤桓滿桐生鳳不雛
飛幡雜晚虹音絳畫鳥狎星鳥梵世臨空下應真蔽景
趨帝馬咸千轡天衣使六銖廣樂開長表多寶現金
軀能令苦海渡復使慢山踰願能周四忍長當出五
居

藉田詩

禮經聞往說觀寶著華篇豈如春路動祈穀重人天
蒼龍引玉軼交旗影曲旃皮軒承早日豹尾拂游煙

地廣重畦淨林芳翠幕懸青壇出長畎帷宮繞直阡
秉耒光帝則報獻動虔虔度諧金石奏德厚歌頌詮
是知躬稼美兼聞富教宣

上巳侍宴林光殿曲水

芳年留帝賞應物動天襟挾苑連金陣分衢度羽林
帷宮對廣掖層殿邇高岑風旗爭曳影亭臯共生陰
樹一作花初墜地一作蒂池荷欲吐心

侍宴新亭應令

神襟愍行邁岐路愴徘徊遙瞻十里陌旁望九成臺

鳳管流虛谷龍騎藉春芟曉光浮野映朝烟承日廻
沙文浪中積春陰江上來柳葉帶風轉桃花含雨開
聖情蘊殊綺禮一作札命表英才顧憐砒砒質何以儷
瓊瓌

三日侍皇太子曲水宴

震德協靈年芳節淑濯伊臨灞蕩心愉目驤騎晨野
攬金曉陸蕙氣卷旌神飈擊轂層岑偃蹇聳觀岩崑
烟生翠幕日照綺寮銀華晨散金芝暮搖綠水動葉
丹距映條顧惟菲薄徒承恩裕藝學未優聲績不樹

豈辨河書寧摛淮賦徒偶群龍終慙並馭

九日侍皇太子樂遊苑

離光麗景神英春裕副極儀天金鏘玉度監撫昭明
善物宣布惠溥琨瓊澤熙垂露秋晨精耀駕動宮闈
露點金節霜沉玉璣玄戈側影翠羽翻暉庭迴鶴蓋
水照犀衣蘭羞薦俎竹酒澄芬千音寫鳳百戲承雲
紫燕躍武赤兔越空橫飛鳥箭半轉蛇弓

守東平中華門開

脂車向馳道總轡息中華落關猶待漏交戟未通車

薄雲初啓雨曙色始成霞
塹流鋪紫若城風泛橘花
絃誦終無取顧已自懷嗟

應令雜體

蠡浦急兮川路長白雲重兮出帝鄉
平原忽兮遠極目江甸阻兮羈心傷
樹廬岳兮高且峻瞻派水兮去
泱泱遠烟生兮含山勢風散花兮傳馨香
臨清波兮望石鏡瞻鶴嶺兮睇仙莊
望邦畿兮千里曠悲遙夜
兮九迴腸顧龍樓兮不可見徒送目兮淚沾裳

行幸甘泉宮

雉歸海水寂，裘來重譯通。吉行五十里，隨處宿離宮。
鼓聲恒入地，塵飛上暗空。赦書隨豹尾，太史逐相風。
銅鳴周國鏃，旗曳楚雲虹。倖臣射覆罷，從騎新歌終。
董逃拜金紫，賢妻侍禁中。不羨神仙侶，排煙逐駕鴻。
新城安樂宮

登江州百花亭懷荆楚

極目纔千里，何由望楚津。落花灑行路，垂楊拂砌塵。

柳絮飄春雪，荷珠漾水銀。試酌新清酒，遙勸陽臺人。

登烽火樓

聳樓排樹出，却堞帶江清。陟峰試遠望，鬱鬱盡郊京。
萬邑王畿曠，三條綺陌平。巨原橫地險，孤嶼派流生。
悠悠歸棹入，渺渺去帆驚。水烟浮岸起，遙禽逐霧征。

登城

日影半東簷，靖念空杼柚。小堂倦縹書，華池厭修竹。
寂寞既寡悰，登城望原陸。遥山半吐雲，巖飈時響谷。
靡靡見雲烟，森森視寒木。落霞乍續斷，晚浪時回復。

遠矚既濡翰徒自勞心目短歌雖可裁緣情非霧縠
薄晚逐涼北樓回望
平衢望如掌層雉曖相連斷雲留去日長山減半天
戲鳧乘汰下漁舟冒浪前

登城北望

登樓傳昔賦出薊表前聞霸陵或回首河隄徒望軍
茲焉聊遠眺極目杳難分一水斜開岸雙城遙共雲

從頓還南城

漢渚水初綠江南草復黃日照蒲心暖風吹梅蕊香

征艫艤湯塹歸騎息金隍舞觀衣恒襞歌臺絃未張
持此橫行去誰念守空牀

又

臨後園

暫別兩成疑開簾生舊憶都知未有情更似新相識
隱淪游少海神仙入太華我有逍遙趣中園復可嘉
千株同落葉百丈共尋霞

夜遊北園

星芒侵嶺樹月暈隱城樓暗花舒不覺明波動見流

遊韋黃門園

息車冠蓋里停轡仲長園簷踈遠興積賓至羽觴繁
祠伍員廟

去國資孝本循忠全令名舟中多奇計蘆中復吐誠
偃月交吳艦魚麗入楚營光功摧妙手載籍有餘聲
洪濤猶鼓怒靈廟尚淒清行潦承椒莫按歌雜鳳笙
無勞晉后璧詎用楚臣纓密樹臨寒水踈扉望遠城
窓隙野霧入衣帳積苔生惟有二三青鳥歛翅時逢迎

漢高廟賽

玉軼朝行動閭闔日夜開白雲蒼梧去丹鳳咸陽來
日正山無影城斜漢屢迴瞻流如地脉望嶺匹天台
欲祛九秋恨聊舉十千杯

朝日

團團出天外煜煜上層峯光隨浪高下影逐樹輕濃
春日

年還樂應滿春歸思復生桃含可憐紫柳發斷腸青
落花隨燕入游絲帶蝶驚邯鄲歌管地見許欲留情

又

花開幾千葉水覆數重衣蝶颺縈空舞燕作同心飛
歌妖弄曲罷鄭女挾琴歸

晚日後堂

幔陰通碧砌日影度城隅岸柳垂長葉窓桃落細跗
花留蛺蝶粉竹翳蜻蜒珠賞心無與共染翰獨踟躕

華月

兔絲生雲夜蛾影出漢時欲傳千里意不照十年悲

望月

流輝入畫堂初照上梅梁形同七子鏡影類九秋霜

桂花那不落團扇與誰妝空聞北窓彈未舉西園觴

又

今夜月光來正上相思臺可憐無遠近光照悉徘徊

詠風

飄飄散芳勢泛漾下蓬萊傳涼入鏤檻發氣滿瑤臺
委木周邦偃飛鷗宋都迴亟搖故葉落屢蕩新花開
暫舞驚鳧去時送葢香來已拂巫山雨何用卷寒灰

詠雲

浮雲舒五色瑪瑙應霜天玉葉散秋影金風飄紫烟

詠烟

浮雲覆雜影含露密花藤乍如洛霞發頗似巫雲登
映光飛百仞從風散九層欲持翡翠色時吐鯨魚燈

詠雪顛倒韻

鹽飛亂蝶舞花落飄粉險粉險飄落花舞蝶亂飛鹽

同劉咨議詠春雪

晚霰飛銀礫浮雲暗未開入池消不積因風墮復來
思婦流黃素溫姬玉鏡臺看花言可折定自非春梅
賦得入堦雨

細雨堦前入灑砌復沾帷漬花枝覺重濕鳥羽飛遲
倘令斜日照併欲似遊絲

行雨

本是巫山來無人覩容色惟有楚王臣曾言夢相識
雨後

散絲與山氣忽合復俄晴雷音稍入嶺電影尚連城
雨餘雲稍薄風收熱復生

浮雲

可憐片雲生暫重復還輕欲使襄王夢應過白帝城

春雨雜體

蝶黃花紫燕相追揚低柳合路塵飛已見垂鈎挂綠
樹誠知淇水沾羅衣兩童夾車問不已五馬城南猶
未歸鶯啼春欲駛無爲空掩扉

春宵

花樹含春叢羅幃夜長空風聲隨篠韻月色與池同
綵牋徒自襲無信往雲中

晚春

紫蘭葉初滿黃鶯啼不稀石躑躅還似獸蘿長更加衣

水曲文魚聚林鳴鴉鳥飛渚蒲變新節崑桐長舊圍
風花落未已山齋開夜扉

首夏和湘東王

冷風雜細雨垂雲助麥涼竹水俱葱翠花蝶兩飛翔
燕泥銜復落鶻吟斂更揚卧石藤爲纜山橋樹作梁
欲待華池上明月吐清光

苦熱

六龍驚不息三伏啓炎陽寢興煩几案俯仰倦幃牀
滂沱汗似鑠微靡風如湯洄池媿生浪蘭殿非含霜

細簾時半捲輕幌乍橫張雲斜花影沒日落荷心香
願見洪崖井詎憐河朔觴

開霽

景落商飈靜烟開四郊謐偃蹇暮山虹遊揚下峯日
水紋城上動城樓水中出竟微共治功空卧淮揚秩

納涼

日移涼氣散懷抱信悠哉珠簾影空捲桂戶向池開
烏棲星欲見河淨月應來橫階入細筍蔽地濕輕苔
草化飛爲火蚊聲合似雷於茲靜聞見自此歇氛埃

又

斜日晚駸駸池塘生半陰避暑高梧側輕風時入襟
落花還就影驚蟬乍失林遊魚吹水沫神蔡上荷心
翠竹垂秋采丹棗映踈砧無勞夜遊曲寄此託微吟

玄圃納涼

登山想劔閣逗浦憶辰陽飛流如凍雨夜月似秋霜
螢翻競晚熱蟲思引秋涼鳴波如礙石閣草別蘭香

大同九年秋七月

高樓闌左扇迴望依蘭橈晚風飄揚來落照參差好

初秋

羽翬晨猶動珠汗晝恒揮秋風忽嫋嫋向夕引涼歸
浮陰即染浪清氣始乘衣卷幌通河色開窓引月輝
晚花欄下照踈螢簞上飛直置猶如此何況送將歸

秋夜

螢飛夜的的虫思夕嚶嚶輕露沾懸井浮烟入綺櫺
檐重月沒早樹密風聲饒池蓮翻罷葉霜篠生寒條
端坐彌茲漏離憂積此宵

又

高風度幽谷墜露下芳枝綠潭倒雲氣青山銜月規
花心風上轉葉影樹中危外遊獨千里夕歎誰共知

會真無入七夕

秋期此夕決長夜從河靈紫烟凌鳳羽紅光隨玉輶
洛陽疑劒氣成都怪客星天梭織來久方逢今夜停

七夕穿針

憐從帳裏出相見夜窓開針歆疑月暗縷散怪風來

秋晚

浮雲出西嶺落日下西江促陰橫隱壁長暉斜度窓

亂霞圓綠水細葉影飛紅
到劍斲飄望長車餘更密

九日

是節協陽數高秋氣已精
簷芝逐月啓帷風依夜清
遠燭成歌黛斜橋聞履聲
梁塵下未息共愛賞心并
冬朝日照梁含怨下前牀
帳寒竹葉帶鏡轉菱花光
會是無人見何用早紅粧

雪朝

同雲凝暝序嚴陰屯廣隰
落梅飛四注翻雲舞三襲

實斷望如連恒分似相及
已觀池影亂復視簾珠濕

大同十月戊寅詩

喧塵是時息靜坐對重巒
冬深柳條落雪後桂枝殘
星明霧色盡天白鴈行單
雲飛乍想閣冰結遠疑紈
晚橘隱重屏枯藤帶迴竿
岳陰連水氣山峯添月一作

深寒

玄圃寒夕

洞房門未掩金壺漏已催
曛烟生澗曲暗色起林隈
雪花無有帶冰鏡不安臺
堦楊始倒插浦桂半新栽

陳根萎落蕙細莖發香梅鴈去銜蘆止獺戲繞枝來
茲園植藝積山谷久紆歲直興最多緒真事亦因依
是節嚴冬暮寒雲曳落暉遠聞風瑟瑟亂視雪霏霏
浪起川難度林深人至稀山禽背徑走野鳥歷塘飛
晚景出行
細樹含殘影春閨散晚香輕花鬢邊墮微汗粉中光
飛鳧初罷曲啼鳥忽度行羞令白日暮車騎鬱相望
六朝詩彙卷之五十六

六朝詩彙卷之五十七

梁詩

簡文帝

神山

開號天井山稱地雌碧雞金馬越瀆梁池懷靈緼德
孕寶含奇此亦仙岫英名遠摘昔有鷺窟不燒淨土
邁彼高蹤構茲法宇引葉成帷即樹為柱石砌危橫
崖階斜豎

明月山

六朝詩彙卷之五十七

迢遞峯長威紆岳聚既正書門兼同天柱非競小山
寧度大庾豈學土龍詎須石鼓緞色斜臨霞文橫豎
行雨山
巖畔途遠阿曲路深猶云息馭尚且抽琴茲峯獨擅
嶽崎千變却繞畫房前臨寶殿玉岫開華紫水迴斜
谿間聚葉澗裏縈沙月映成水人來當花藤結如帷
磧起成基雲香馥逕石鏡臨墀

漢水

雜色

一作沓

崑崙水泓澄龍首渠豈若茲川麗清流疾

且徐離離細磧淨藹藹樹陰踈石衣隨溜卷水芝扶
浪舒連翩瀉去檝鏡徹倒遙墟聊持點纓上於是察
川魚

入澗浦

泛水入迴塘空枝度日光竹垂懸掃浪鳧疑遠避檣

經琵琶峽

由來歷山川此理獨迴遑百嶺相紆蔽千崖共隱天
橫峯時礙水斷岸或通川還瞻已迷向直去復疑前
夕波照孤月山枝斂夜烟此時愁緒密

魂九遷

山池
日暮芙蓉水聊登鳴鶴洲
飛鱸飾羽毳長幔覆緹紉
停輿依柳息住蓋影空留
古樹橫臨沼新藤上桂樓
游魚向暗集戲鳥逗槎流

賦得橋

浮梁既衝嶮通波信可陵
乘空寫渭石跨岸擬河冰
斜闌隱濁霧布影入清澗
方知歌綠水無待榜蒼鷹

壞橋

虹飛巨林際星度斷山隅
斜梁懸水跡畫柱脫輕朱

石橋

惠子臨濠上秦王見海神
寫虹便欲飲圖星逼似真

又

連延過絕澗迢遞跨長津
已數逢仙客兼曾度獵人

和武帝講武宴

校尉開踈勒將軍定月支
南通新息柱北屆武陽碑
豫游戲馬館教戰昆明池
銀塘寫清渭銅鈎引直漪
常從良家子命中幽并兒
金鞍飾紫珮玉燕帖青驪
車書今已共願奏云亭儀

又

祭壺今息鼓董案或

一作成

開帷聊舉青龍陣正取絳

宮時犒兵隨後拒輒祭逐前師軍門初露節步陳始

分旗

和登北顧海樓

春陵佳氣地濟水鳳凰宮況此徐方域川岳邁周禮

皇情愛歷覽遊涉擬空同聊驅式道候無勞襄野童

霧崖開早日晴天歇映

一作晚

虹去帆入雲裏遙星出

海中

奉和南平王康賚朱櫻

倒流映碧叢照露擎朱實花茂蝶爭飛枝濃鳥相失

已麗金釵瓜仍美玉盤橘寧異梅似丸不羨萍如日

永植平臺垂長與雲桂密徒然奉推甘終似愧操筆

和湘東王陽雲臺簷柳

曖曖陽雲臺春柳發新梅柳枝無極軟春風隨意來

潭迤青帷閉玲瓏朱扇開佳人有所望車聲非是雷

仰和新渝侯巡城口號

帝京風雨中層闕烟霞浮玉署清餘熱金城含暮秋

水光凌却觀槐影帶重樓

和徐錄事見內人作卧具

密房寒日晚落照度窓邊紅簾遙不隔輕帷半捲懸
方知織手製詎減逢裳妍龍刀橫膝上畫尺墮衣前
熨斗金塗色簪管白牙躔衣裁合歡攝文作鴛鴦連
針用雙縫縷絮用八蠶綿香和麗丘密麝吐中臺烟
已入琉璃帳兼雜太華瓊且向雕爐煖非同團扇捐
更恐從軍別空牀徒自憐

和蕭東陽祀七里廟

萬里實幽宗三神亦天構豈謂木石精斯乃山川守
遠來太白旗遙徵青鳥候以茲敬弗怠方知教應富

和人渡水

婉婉新上頭湔裾出樂遊帶前結香草鬢邊捍石榴

和湘東王後園迴文

枝雲間石峯脉水侵山岸池清戲鵲聚樹秋飛葉散

和蕭侍中子顯春別

別觀葡萄帶實垂江南苴莖生連枝無情無意猶如
此有心有恨徒別離

其二

蜘蛛作絲滿帳中芳草結葉當行路紅臉脉脉一生啼黃鳥飛飛有時度故人雖故昔經新新人雖新復應故

其三

可憐淮水去來潮春堤楊柳拂河橋淚痕未燥詎終朝行聞玉珮已相要

其四

桃紅李白若朝妝羞持憔悴比新芳不惜暫住君前

死愁無西國更生香

示晉陵弟

零雨岐路悲送歸臨水節時事雖為舛離憂等閒別

贈張纘

儀表咸推挹墻仞難窺踐既富垂帷學復折波濤辯綺思暖霞飛清文煥颺轉朱旗赫容與雕祭紛曄煜波搖白鯉舟風動蒼鷹舳九疑勢參差江天相蔽虧三春澧浦葉九月洞庭枝洞庭枝嫋娜澧浦葉參差芬芳與搖落俱應傷別離

贈麗人

腰肢本尤絕眉眼特驚人判自無相比還來有洛神

遙望

散誕垂紅帔斜柯插玉簪可憐無有比恣許直千金

戲贈麗人

麗姬與妖嬈共拂可憐妝同安髮裏撥異作額間黃
羅裙宜細簡畫屨重高墻含羞來上砌微笑出長廊
取花爭問色扳枝念蕊香但歌聊一曲鳴絃未肯張
自矜心所愛三十侍中郎

餞廬陵內史王修應令

餞行臨上節開筵命羽觴迴池瀉飛棟濃雲垂畫堂
踈槐未合影返日漸流光園梅斂新藻一作階蕙結

初芳

餞別

行樂出南一作南北皮讌餞臨華池籜解篁開節一作鳥
迷枝窻陰隨影度水色帶風移徒命銜杯酒終成懶
別離

餞臨海太守劉孝儀屬郡太守劉孝勝

碣石臨東海峨眉拒西侯兩杜昔夾河一龍今出守
方夜無犬驚向息神牛鬪涼風遶輕幙麥雨寒新溜
念此一銜觴懷離在惟舊

送別

行行異泝海依依別路岐水苔隨纜聚岸柳拂舟垂
石菌生懸葉江槎流卧枝燭盡悲當去酒落惜將離
傷離復傷離別後情鬱紆悽悽隱去棹憫憫愴還途
戚戚意不申轉顧獨沾巾前驅經御宿後騎歷河湄

傷離雜體

胡香翼還憶清笳送後塵落日斜飛蓋餘暉承畫輪
柳影長橫路槐枝深隱人桂宮夕掩銅龍扉甲館宵
垂雲母障朧朧月色上的的夜螢飛草香襲余袂露
灑沾人衣帶蝶凌城雲亂聚排枝度葉鳥爭歸盆中
浮蟻不能酌琴間玉徽調別鶴乍聞千里別離聲絃
調軫急心自驚試起登高樓還向華池遊前時篠生
今欲合近日栽荷尚不抽猶是銜杯共賞處今茲對
此獨生愁登樓一作樓高望曖曖山川自分態偃師雖北
連輟轅巳南背遠聽寂無聞遙瞻自有闕舍毫意不

迷長歎情無賴

霹靂引

來從東海上發自南山陽時聞連鼓響乍散投壺光
飛車走四瑞繞電發時祥今去於斯表殺來永傳芳

龍丘引

龍丘一迴首楚路蒼無極水照弄珠影雲吐陽臺色
浦浹村烟度洲長歸鳥息遊蕩逐春心空憐無羽翼

貞女引

借問懷春臺百尺凌雲霧北有歲寒松南臨貞女祠

庭花對幃滿隙月依枝度但使明妾心無嗟坐遲暮

昇仙篇

少室堪求道明光可學仙丹繒碧林宇綠玉黃金篇
雲車了無轍風馬詎須鞭靈桃恒可餌幾迴三千年

美女篇

佳麗盡關情風流最有名約黃能効月裁金巧作星
粉光勝玉靚衫薄擬蟬輕密態隨羞臉嬌歌逐軟聲
朱顏半已醉微笑隱香屏

京洛篇

南遊偃師縣斜上霸陵東回瞻龍首堞遙望德陽宮
重門遠照耀天闕復穿窿城傍疑複道樹裏識松風
黃河入洛水丹泉繞射熊夜輪懸素魄朝光蕩碧空
秋霜曉驅鴈春雨暮成虹咸陽造甲第高安還禁中
劉蒼歸作相竇憲出臨戎此時車馬合茲晨冠蓋通
誰知兩京盛觀宴遂無窮

有女篇

一作艷
歌行

凌晨光景麗倡女鳳樓中前瞻削成小傍望卷旌空
分妝開淺靨繞臉傳斜紅張琴未調軫飲吹不全終

自知心所愛出入仕秦宮誰言連尹屈更是莫敖通
輕輕綴皂蓋飛轡轆雲駟金鞍隨繫尾銜璫映纏駿
戈鏤荆山玉劔飾丹陽銅左把蘇合彈傍持大屈弓
控弦因鵲血挽■用牛螭弋獵多登隴酣歌每入豐
暉暉隱落日井井還房櫳燈生陽燧火塵散鯉魚風
流蘇時下帳象簟復韜筒霧暗窓前柳寒踈井上桐
女蘿託松際甘瓜蔓井東拳拳恃君寵歲暮望無窮

艷歌行

雲楣桂成戶飛棟杏為梁斜窓通葢氣細隙引塵光

裁衣魏后尺汲水淮南牀青驪暮當返預使羅裙香

采菊篇

月精麗草散秋株洛陽少婦絕妍姝相喚呼一作提筐

采菊珠朝起露濕露羅襦東方千騎從驪駒更不下

山逢故夫

六朝詩彙卷之五十七

六朝詩彙卷之五十八

梁詩

簡文帝

採蓮曲

曉日照空磯採蓮乘晚暉風起湖難度蓮多摘未稀
棹動芙蓉落船移白鷺飛荷絲傍繞腕菱角遠牽衣
常聞藻可愛採擷欲為楮葉滑不留絰心忙無假薰
千春誰與樂唯有妾隨君

採菱曲

菱花落復含
桑女罷新蠶
桂棹浮星艇
徘徊蓮葉南

桃花曲

但使新花豔
得聞美人簪
何須論後實
怨結子瑕心

夜夜曲

靄靄夜中霜
河開向曉光
枕啼常帶粉
身眠不著牀
蘭膏盡更益
薰爐滅復香
但問愁多少
便知夜短長

雍州曲

南湖荷葉浮
復有佳期遊
銀輪翡翠鈎
玉軸芙蓉舟
荷香亂衣麝
撓聲送急流

北渚

岸柳垂陰葉
平江含粉堞
好值城傍人
多逢蕩舟妾
綠水濺長袖
浮苔染輕楫

大堤

宜城斷中道
行旅極流連
出妻工識素
妖姬慣數錢
炊彫留上客
貰酒逐神仙

當壚曲

十五正團圓
流光滿上蘭
當壚設夜酒
宿客解金鞍
迎來挾瑟易
送別唱歌難
欲知心恨急
翻令衣帶寬

鳥棲曲

芙蓉作船絲作紵北斗橫天月將落採蓮渡頭礙黃
河郎今欲渡畏風波

其二

浮雲似帳月如鈎那能夜夜南陌頭宜城醞酒今行
孰停鞍繫馬暫棲宿

其三

青牛丹轂七香車可憐今夜宿倡家倡家高樹鳥欲
棲羅幃翠被任君低

其四

織成屏風金屈膝朱脣玉面燈前出相看氣息望君
憐誰能含羞不自前

淫豫歌

淫豫大如服瞿塘不可觸金沙浮轉多桂浦忌經過

金樂歌

槐香欲覆井楊柳正藏鷓鴣山鑪當一作好無比玉一作火

聰賒牀頭辟繩結鏡上領巾斜鐵鍾種梁子銅樞生

秦花開門拋水柱一作信城按特言家

東飛伯勞歌

翻階蛺蝶戀花情
容華飛燕相逢迎
誰家總角岐路
陰裁紅點翠
愁人心天
惚綺井暖徘徊
珠簾玉篋明
鏡臺可憐年幾
十三四
工歌巧舞入人意
白日西落
楊柳垂含情
弄態兩相知

又

西飛迷雀東羈雉
倡樓秦女乍相值
誰家妖麗鄰中
止輕收薄粉
光閭里
網戶珠綴曲瓊鈎
芳茵翠被香
氣流少年年幾
方三六合
嬌聚態傾人目
餘香落蕊

坐相催可憐絕世誰為媒

權歌行

妾家住湘川
菱歌本自便
風生解刺浪水深能捉船
葉亂由牽荇
絲飄為折蓮
滅妝疑薄汗
霑衣似故湔
浣沙流暫濁
汰錦色還鮮
參同趙飛燕
借問李延年
從來入絃管
誰在棹歌前

怨歌行

十五頗有餘日照
杏梁初蛾眉本多嫉
掩鼻特成虛
持此傾城貌
翻為不肖軀
秋風吹海水
寒霜依玉除

月光臨戶駛荷花依浪舒望簷悲雙翼窺沼泣前魚
苔生履處沒草合行人踈裂紈傷不盡歸骨恨難祛
早知長信別不避後園輿

春江行

客行祇念路相爭渡京口誰知堤上人拭淚空揺手

君子行

君子懷琬琰不使涅塵淄從容子雲閣寂寞伸舒帷
多謝悠悠子管窺良可悲

隴西行

隴西四戰地羽檄歲時聞護羌擁漢節校尉立元勳
石門留鐵騎冰城息夜軍洗兵逢驟雨送陣出黃雲
沙長無止泊水脉屢縈分當思勒彝鼎無用想羅裙

其二

悠悠懸旆旌知向隴西行滅竈驅前馬銜枚進後兵
沙飛朝似幕雲起夜疑城迴山時阻路絕水極稽程
往年郵支服今歲單于平方觀凱樂盛飛蓋滿西京

其三

邊秋胡馬肥雲中驚寇入勇氣時無侶輕兵救邊急

沙平不見虜嶂嶮還相及出塞豈成歌經川未遑汲
烏孫塗更阻康居路猶澁月暈抱龍城星眉照馬邑
長安路遠書不還寧知征人獨佇立

鴈門太守行

輕霜中夜下黃葉遠辭枝寒苦春難覺邊城秋易知
風急旂旗斷塗長鎧馬疲少解孫吳法家本幽并兒
非關買鴈肉徒勞皇甫規

又

隴暮風恒急關寒霜自濃櫪馬夜方思邊衣秋未重

潛師夜接戰略地曉摧鋒悲笳動胡塞高旗出漢墉
勤勞謝公業清白報迎逢非須主人賞寧期定遠封
單于如未擊終夜慕前蹤

長安有狹斜行

長安有徑塗徑徑不通輿道逢雙總非扶輪問我居
我居青門北可憶復易津大息騫金勒中息縮黃銀
小息始得意黃頭作弄臣三息俱入門雅志揚清塵
三息俱上堂觴肴滿四陳三息俱入戶照耀光容新
大婦舒綺綰中婦拂羅巾小婦最容冶映鏡學嬌嚬

丈人且安坐清謳出絳脣

上留田行

正月土膏初欲發天馬照耀動農祥田家斗酒群相
勞爲歌長安金鳳凰

從軍行

貳師惜善馬樓蘭貪漢財前年出右池今歲謝輪臺
魚雲望旗聚龍沙隨陣開冰城朝浴鐵地道夜銜枚
將軍號令密天子爾書催何時返舊里遙見下機來
雲中停障羽檄驚甘泉烽火通夜明貳師將軍新築

營嫖姚校尉初出征復有山西將絕世受雄名三門
應遁甲五壘學神兵白雲隨陣色蒼山荅鼓聲迤邐
觀鷺翼參差覩鴈行先平小月陣却滅大宛城善馬
還長樂黃金付水衡小婦趙人能鼓瑟侍婢初笄解
鄭聲庭前桃花飛已一作欲合必應紅妝來起迎

上之回

前旆拂回中後車臨桂宮輕絲駐雲罕春色遶川風
桃林方灼灼柳路日曛曛笳聲駭胡騎清磬聳山戎
微臣今拜手願帝永無窮

折楊柳

楊柳亂成絲攀折上春時葉密鳥飛礙風輕花落遲
城高短簫發林空畫角悲曲中無別意併是爲相思

妾薄命

名都多麗質本自恃容姿蕩子行未至秋胡無定期
玉貌歇紅臉長嘔串翠眉奩鏡迷朝色縫鍼脆故絲
本異搖舟咎何關竊席疑生離誰拊背溘死詎來遲
王嬙貌本絕踉蹌入擅帷盧姬嫁日晚非復少年時
轉山猶可逐烏白望難追安心徒自苦傍人會見嗤

楚妃歎

閨幽情脉脉漏長宵寂寂草螢飛夜戶絲虫繞秋壁
薄笑未爲欣微歎還成戚金簪鬢下垂玉筋衣前滴

當置酒

置酒宴嘉賓矚迴臨飛觀絕嶺隔天餘長嶼橫江半
日色花上綺風光水中亂三益旣歲蕤四始方葱粲

臨高臺

高臺半行雲望望高不極草樹無參差山河同一色
髣髴洛陽道道遠難別識玉階故情人情來共相憶

蜀道難

建平督郵道魚復永安宮若奏巴渝曲時當君思中
巫山七百里巴水三回曲笛聲下復高猿啼斷還續

代陸平原君子有所思

可歎不可思可思不可見餘絃斷瑟柱殘朱染歌扇

又

寂寂暮檐響黯黯垂簾色唯有瓴甌苔如見蜘蛛織

又

入林看碯礪春至定無餘何時一可見更得似梅花

又

昔未離長信金翠奉乘輿何言人事異夙昔故恩疎
寂寞錦筵靜玲瓏玉殿虛掩閨泣團扇羅幌詠薜蘿

江南思

江南有妙妓時則應璿樞月暈蘆灰缺秋還懸炭枯
含丹和九轉芳樹蔭三株何辭天后詔終是到仙都

其二

桂檝晚應旋歷岸扣輕舷紫荷擎釣鯉銅筐插短蓮
人歸浦口暗那得久回船

入龍門長安道

神臯開隴右陸海實西秦金槌抵長樂復道向宜春
落花依度憶垂柳拂行人金張及許史夜夜尚留賓

洛陽道

洛陽佳麗所大道滿春光游童時挾彈蚕妾始提筐
金鞍照龍馬羅袂拂春桑王車爭晚入潘果溢高箱

明君詞

玉艷光瑤質金鈿婉黛紅一去葡萄觀長別披香宮
秋簷照漢月愁帳入胡風妙工偏見詆無由情恨通

半路溪

相逢半路溪隔溪猶不渡望望判知是翩翩識行步
摘贈蘭澤芳欲表同心句先將動舊情恐君疑妾妬

大垂手

垂手忽若若飛燕掌中嬌羅衣恣風引輕帶任情搖
詎似長沙地促舞不迴腰

小垂手

舞女出西秦躡影舞陽春且復小垂手廣袖拂紅塵
折腰應兩箇頓足轉雙巾蛾眉與慢臉見此空愁人

蜀國弦

銅梁指斜谷，劔道望中區。
通星上分野，作固下為都。
雅歌因良守，妙舞自巴渝。
陽城嬉樂盛，劔騎鬱相趨。
五婦行難至，百兩好遊娛。
牲祈望帝祀，酒酌蜀侯姝。
江妃納重聘，卓女愛將雛。
停弦時繫爪，息吹理脣朱。
脫衫湔錦浪，回扇避陽烏。
聞君握節返，賤妾下城隅。

雉朝飛

晨光照麥畿，平野度春暈。
避鷹時聳角，妬龍一作忽斜飛。
少年從遠役，有恨意多違。
不如隨蕩子，羅袂拂

塵衣

雙鷺離

雙鷺有雄雌，照日兩差池。
銜花落北石，逐蝶上南枝。
桂棟本曾宿，虹梁早自窺。
願得長如此，無令雙鷺離。

隴坻鴈

高翔憚闊海，下去怯虞機。
霧暗早相失，沙明還共飛。
隴狹朝聲亂，一作聚風急暮行稀。
雖殄輪臺援，未解龍城圍。
相思不得返，且寄別書歸。

鷄鳴高樹巔

碧玉好名倡夫婿侍中郎桃花全覆井金門半隱堂
時欣一來下復此雙鴛鴦雞鳴天尚早東烏定未光

愛妾換馬

功名幸多種何事苦生離誰言似白玉定是媿青驪
必取匣中劍迴作飾金羈真成恨不已願得路傍兒

雙桐生空井

季月對空井新枝雜舊株晚葉藏栖鳳朝花拂曙烏
還看西子照銀牀牽轆轤

擬中婦織流黃

翻花滿階砌愁人獨上機浮雲西北起孔雀東南飛
調絲時繞腕易鑷作牽衣鳴梭逐動釧紅妝映落暉

擬落日窓中坐

杏梁斜日照餘暉映美人開函脫寶釧向鏡理紈巾
遊魚動池葉舞鶴散階塵空嗟千歲久願得及陽春

泛舟橫大江

滄波白日暉遊子出王畿旁望重山轉前觀遠帆稀
廣水浮雲吹江風引夜衣旅鴈同洲宿寒鳥夾浦飛
行客誰多病當念早旋歸

春日想上林

春風本自奇楊柳最相宜柳條恒著地楊花好上衣
處處春心動常惜光陰移西京童賢館南苑習都池
荇間魚共樂桃上鳥相窺香車雲母憶駛馬黃金羈

雪裏覓梅花

絕訝梅花曉爭來雪裏窺下枝低可見高處遠難知
俱羞惜腕露相讓到腰羸定須還剪綵學作兩三枝

棗下何纂纂

垂花臨碧澗結翠依丹巘非直入遊宮兼期植靈苑

落日芳春暮遊人歌吹晚弱刺引羅衣朱實凌還幘
且歡洛浦詞無羨安期遠

春日看梅花

昨日看梅樹梅花已自生今日聞春鳥何啻兩三聲
凍解池開淥雲穿天半晴遊心不應動爲此欲逢迎

戲作謝惠連體

雜蕊映南庭庭中光影媚可憐枝上花早得春風意
春風復有情拂慢且開楹盈盈開碧烟拂慢復垂蓮
偏使紅花散飄揚落眼前眼前多無況參差鬱相望

珠繩翡翠帷綺幕芙蓉帳香烟出窓裏落月斜階上
月影去遲遲節花咸在茲桃枝紅若點柳葉亂如絲
絲條轉暮光影落暮光長春燕雙雙舞春心處處揚
酒滿心聊足萱枝愁不忘

茱萸女

茱萸生狹斜結子復銜花遇逢纖手摘濫得映鈿華
雜與鬟簪插偶逐鬢鈿斜東西爭贈玉縱橫來問家
不無夫壻馬空駐使君車

烏夜啼

綠草庭中望明月碧玉堂裏對金鋪鳴弦撥振發初
異挑琴欲吹衆曲殊不異三足朝含影直言九子夜
相呼羞言獨眠枕下流託道單棲城上烏

擬古

窺紅對鏡歛雙眉含愁拭淚坐相思念人一去許多
時眼語笑靨迎來情心懷心想甚分明憶人不忍語
含恨獨吞聲

度關山

關山遠可度遠度復難思直指遮歸道都護總前期

力農爭地利轉戰逐天時材官蹶張皆命中弘農越
騎盡塞旗舉旗遠不息驅虜何窮極狼居一封難再
覩闕氏永去無容色銳氣且橫行朱旗亂日精先屠
光祿塞却破夫人城凱還歸舊里非是銜功名

六朝詩彙卷之五十八



六朝詩彙卷之五十九



梁詩

簡文帝

三韻

珠簾向幕下妖姿不可追花風暗裏覺蘭燭帳中飛
何時玉窓裏夜夜更縫衣

雜詠

被空眠數覺寒重夜風吹羅幃非海水那得度前知
三日率爾成詠

芳年多美色麗景復妍遙握蘭唯是日採艾亦今朝
迴沙溜碧水曲岫散桃夭綺花非一種風絲亂百條
雲起相思觀日照飛虹橋繁華炫姝色燕趙艷妍妖
金鞍汗血馬寶髻珊瑚翹蘭聲起縠袖蓮錦束瓊腰
相看隱綠樹見人還自嬌玉桂鳴羅薦渠枕泛迴潮
洛濱非拾羽滿握詎貽椒

執筆戲書

舞女及燕姬倡樓復蕩婦參差大戾發搖曳小垂手
釣竿蜀國彈新城折楊柳玉案西王桃蠶杯石榴酒
甲乙羅帳異辛壬房戶暉夜夜有明月時時憐更衣

怨詩

秋風與白團本自不相安新人及故愛意氣豈能寬
黃金肘後鈴白玉按前盤誰堪空對此還成無歲寒

詠老

昔類紅蓮草自玩淥池邊今如白華樹還悲明鏡前

卧疾

沉痾類弩影積弊似河魚詎逢龍子浴空歎楚王菹

喜疾瘳

朝窓猶掩扇宿幔未懸鈎
逍遙臨四注兼持散九愁
雖同衛子憊聊喜摯生瘳
灾星夜出境鳴禽曉去樓
蠲邪無賈鵬祆氣息梁牛
隔簾蔭翠篠映水含朱榴
丹經蘊玉笥玄水出長洲
結友尋方岳採藥訪圓丘
神隨七星變貌逐五雲留
飛鴻若可駕輕簪必易抽

金閨思

遊子久不返妾身當何依
日移孤影動羞覩燕雙飛
又
自君之別矣不復染膏脂
南風送歸鴈聊以寄相思

春閨情

楊柳葉纖纖佳人懶織縑
正衣還向鏡迎春試捲簾
摘梅多繞樹覓燕好窺簷
只言逐花草計較應非嫌

秋閨夜思

非關長信別詎是良人征
九重忽不見萬恨滿心生
夕門掩魚鑰霄牀悲畫屏
迴月臨階度吟虫繞砌鳴
初霜隕細葉秋風吹亂螢
故裝猶累日新衣製未成
欲知妾不寐城外搗砧聲

寒閨

綠葉朝朝黃紅顏日日異譬喻持相比那堪不愁思

愁閨照鏡

別來顛顛久他人怪容色只有匣中鏡還持自相識

獨處怨

獨處恒多怨開幕試臨風彈碁鏡奩上傳粉高樓中
自從征馬去音信不曾通只恐金屏掩明年已復空

詠武陵王左右

頂分如兩髻簪長驗上頭投杯如欲轉疑殘已復留

詠人棄妾

昔時嬌玉步含羞花燭邊豈言心愛斷銜啼私自憐
常見歡成怨非關醜易妍獨鵠罷中路孤鸞死鏡前

山齋

玲瓏繞竹澗間關通槿藩缺岸新成浦危石久爲門
北榮下飛桂南柯吟夜猿暮流登錦磧晨冰照彩鸞

琴臺

蕪陌踐昔徑復想鳴琴遊音容萬春罷高名千載留
弱枝生古樹舊石染新流由來遞相歎逝川終不收

水中樓影

水底果罍出萍間反宇浮風生色不壞浪去影恒留

梁塵

依帷蒙重翠帶日聚輕紅定為歌聲起非關團扇風

卦名

櫛北園花滿徑復水流新離禽時入袖旅谷乍依蘋
豐壺要上客鵠鼎命佳賓車由秦夏闥馬散咸陽塵
蓮舟雖未濟分密已同人

藥名

朝風動春草落日照橫塘重臺蕩子妾黃昏獨自傷

燭映合歡被帷飄蘇合香石墨聊書賦鉛華試作妝
徒令惜萱草蔓延滿空房

詠獨舞

因羞強正釵顧影時迴袂非關善留客更是嬌夫婿

又

嬌情因曲動弱步逐風吹懸釵隨舞落飛袖低鬟垂

詠舞二首

戚里多妖麗重娉夢一作茂燕餘逐節工新舞嬌態似

凌虛納衣承攝概垂翠逐璫舒扇開衫影亂巾度履

行踈徒勞交甫憶自有專城居

又

可憐二八初逐節似飛鴻懸勝河陽妓聞與淮南同
入行看履進轉面望鬟空腕動昭華玉衫隨如意風
上客何須起啼鳥曲未終

詠筆格

英華表玉笈佳麗稱珠網無如茲制奇彫飾雜衆象
仰出寫含花橫抽學仙掌幸因提拾用遂厠旋臺賞

彈箏

彈箏北窓下夜響清音愁張高絃易斷心傷曲不道

賦樂名得箏篴

揆遲初挑吹弄急時催舞劍響逐絃鳴衫回半障柱
欲知心不平君看黛眉聚

鏡

四銖恒在側誰言覽鏡稀如冰不見水似扇長含暉
全開玳瑁匣併卷織成衣脫入相如手疑言趙璧歸

詠籠燈

動焰翠帷裏散影羅帳前花生復落明銷君詎憐

賦得白羽扇

可憐白羽扇却暑復來氛終無顧庶子誰為一揮軍

龍笛雜體

江貞弄貞態翔鳳陽春臺同去復同來

詠燭

花中燭似將人意同情啼流膝上燭焰落落花中

仙客

漆水豈難變桐刀乍可揮青書長命籙紫水芙蓉衣
高翔五嶽小低望九河微穿池聽龍長叱石待羊歸

酒闌時節久桃生歲月稀

遊人

遊戲長楊苑攜手雲臺間歡樂未窮已白日下西山

美人

細樹含殘影春閨散晚香輕花髻畔墜微汗粉中光
鳥飛初罷曲啼鳥忽度行羞令白日暮車馬鬱相忘

率爾成詠

借問仙將畫詎有此佳人傾城且傾國如雨復如神
漢后憐飛燕周王重姓申挾瑟曾遊趙吹簫屢入秦

玉階偏望樹長廊每逐春約黃出意巧纏絃用法新
迎風時引袖避日暫披巾踈花映髻插細珮遶衫身
誰知日欲薄含羞不自陳

詠美人觀畫

殿上圖神女宮裏出佳人可憐俱是畫誰能辯偽真
分明淨眉目一種細腰身所有一作特為異長作作
長有好精神

傷美人

昔聞倡女別蕩子無歸期今似陳王歎流風難重思

翠帶留餘結苔階沒故基圖形更非是夢見反成疑
熏爐含好氣庭樹吐華滋香燒日有歇花落無還時

詠內人晝眠

北窓聊就枕南簷日未斜攀鈎落綺帳倚障一作插揆舉
琵琶夢笑開嬌壓眠鬢壓落花簞文生玉腕香汗浸
紅紗夫婿恒相伴莫悞是倡家

夜遣內人還後舟

錦幔扶船列蘭橈拂浪浮去燭猶文水餘香尚滿舟
倡婦怨情

綺窓臨畫閣飛閣繞長廊風散同心草月散可憐光
髮鬢簾中出妖麗特非常耻學秦羅髻產為樓上妝
散誕披紅帔生情新約黃斜燈入錦帳微烟出玉房
六安雙玳瑁八幅兩鴛鴦猶是別時許留值解心傷
含情生度日俄頃變炎涼玉關驅夜雪金氣落巖霜
飛狐驛使斷交河川路長蕩子無消息朱脣徒自傷

倡樓怨節六言

朝日斜來照戶春鳥爭飛出林片光片影皆麗一聲
一轉煎心上林紛紛花落淇水漠漠蒼浮年馳節流

易盡何為忍意含羞

夜聽妓

合歡蠲忿葉萱草忘憂條何如明月夜流風拂舞腰
朱唇隨吹盡一作動玉釧逐絃搖留宿情殘弄負態動
餘嬌

變童

變童嬌麗質踐董復超瑕羽帳晨香滿珠簾夕漏賒
翠被含鴛色雕牀鏤象牙妙年同小史妹貌似朝霞
袖裁連壁錦綵織細種花攬袴輕紅出迴頭雙鬢斜

懶眼時含笑玉手乍攀花懷猜非後約密愛似前車
定使燕姬妬彌令鄭女嗟

繫馬

青驪深赭汗綠地懸花蹄未垂青鞵尾猶挂紫鄣泥
蹠足絆中憤搖頭握上嘶紫關如未息直去取榆溪

登山馬

登山馬間樹飾金裝草合宜韉短影轉見鞭長何殊
八公岫暫上淮南王

紫騮馬

賤妾朝下機正值良人歸青絲懸玉鐙朱汗染香衣
驟急珂彌響跳多塵亂飛雕胡幸可薦故心君莫違

西齋行馬

晨風白金絡桃花紫玉珂影斜鞭照曜塵起足蹉跎
任俠稱六輔輕薄出三河風吹鳳凰袖日映織成靴
遠江鱸舫少遙山烟霧多雲開瑪瑙葉冰淨琉璃波
廣路拂青柳迴塘繞碧莎不效孫吳術寧須趙李過

賦得舞鶴

來自芝田遠飛渡武溪深振迅依吳市差池逐晉琴

寄聲傳迥澗動翅拂花林欲知情外物伊洛有清潯
登板橋詠洲中獨鶴

遠霧日氛氳單飛纔可分孤鷺思嶼浦羈喚下江濱
意感東西水心迷四面雲誰知獨辛苦江上念離群

鳴雞

埒雞適將曙長鳴高樹顛啄葉疑影影排花強欲前
意氣多驚舉飄颺獨無侶陳思助關協狸膏郗昭姪
敵安金距丹山可愛有鳳凰金門飛舞有鴛鴦何如
五德美豈勝千里翔

鬪雞

歡樂良無已東郊春可遊百花非一色新田多異流
龍尾橫津漢車箱起戍樓玉冠初警敵芥羽忽猜儔
十日嬌旣滿九勝勢恒適脫使田饒見堪能說魯侯

單鳧

銜苔入淺水刷羽向沙洲孤飛本欲去得影更淹留

又

迴水浮輕浪沙場弄羽衣眇眇隨山沒離離傍海飛

詠燕

新禽應節歸俱向吹樓飛入簾驚劍響來窓礙舞衣

詠飛來灘鵝

飛從何處來似出上林隈口銜長生葉翅染昆明苔

夜望單飛鴈

天霜河白夜星稀一鴈聲嘶何處歸早知半路應相
失不似從來本獨飛

詠蜂

逐風從汎漾照日乍依微知君不留盼銜花空自飛

蛺蝶

空園暮烟起逍遙獨未歸翠鬣藏高柳紅蓮拂水衣
復此從風蝶雙雙花上飛寄語相知者同心終莫違

早蟬

草歇鶻鳴初蟬思花落後乍飲三危露時蔭五官柳
莊書晒鵬翼衛賦宜螭首桂樹可淹留勿謂山中久

詠螢

木將秋草并今與夕風輕騰空類星霄拂樹若花生
屏疑神火照簾似夜珠明逢君拾光彩不怙此身傾

初桃

初桃麗新采照地吐其芳枝間留紫燕葉裏發輕香
飛花入露井
幹拂華堂若映窓前柳懸疑紅粉粧

詠

垂陰滿上
草早知春花絮時隨鳥風枝屢拂塵
欲散依依
要歌吹人

素華偏
的半臨池疑為霜裏葉復類雪封枝

日斜光
還影合離

銅津與鳴琴俱稱類君子豈若江淮間發葉超衆美
珍同自牧歸茅因彙征起豈獨邁秦衡方知茂沅芷

詠棗

浮華齊水麗垂彩鄭都奇白英紛靡靡紫實標離離
風搖羊角樹日映雞心枝穀城踰石蜜蓬岳表仙儀
已聞安邑美永茂玉門垂

藤

纖條寄喬木弱影掣風斜標春抽晚翠出霧有懸花

詠梨

列茂河陽苑蒼葉濫觴隈翻黃秋沃若落素春徘徊

詠檉

凌寒競貞節負雪固難虧無慙雲母桂詎減珊瑚枝

樹中草

幸有青袍色聊因翠幄凋雖間珊瑚蒂非是合歡條

詠薔薇

燕來枝益軟風飄花轉光氤氳不肯去還來階上香

賦得薔薇

石榴珊瑚莖木槿懸星葩豈如茲草麗逢春始發花

迴風舒紫萼照日吐新芽

詠楓葉

菱綠映葭青踈紅分浪白花葉灑行舟仍持送遠客

詠橘

菱蕤映庭樹枝葉凌秋芳故條雜新實金翠共含霜
攀枝折縹韜甘旨若瓊漿無假存雕飾玉盤余自嘗

詠芙蓉

圓花一帶卷交葉半心開影前光照曜香裏蝶徘徊
欣隨玉露點不逐秋風催

採桑

春色映空來先發院邊梅細萍重疊長新花歷亂開
連珂往淇上接幘至叢臺叢臺可憐妾當窓望飛蝶
忌跌行衫領熨斗成褫禡下牀著珠佩捉鏡安花鑷
薄晚畏蠶饑競採春桑葉寄語採桑伴訝今春日短
枝高攀不及葉細籠難滿年年將使君歷亂遣相聞
欲知琴裏意還贈錦中文何當照梁日還作入山雲
重門皆已閉方知客留袂可憐黃金絡複以青絲繫
必也爲人時誰令畏夫壻

卷之五十九

六朝詩彙卷之六十

梁詩

邵陵王綸

代秋胡婦閨怨五言

蕩子從游宦思妾守房櫳塵鏡朝朝掩寒衾夜夜空
若非新有悅何事久西東知人相憶否淚盡夢啼中

車中見美人

關情出眉眼軟媚著腰肢語笑能嬌嬖行步絕逶迤
空中自迷惑渠傍會不知懸念猶如此得時應若爲

見姬人

春來不復賒入苑駐行車比來粧點異今世撥髮斜
卻扇承枝影舒衫受落花狂夫不妬妾隨意晚還家

詠新月

霜氛含月彩靄靄下南樓霧濃光若晝雲駛影疑流

蕭倫

代藁砧

獨華臨靜夜香氣入重闈曲度聞歌遠繁絃覺舞遲

武陵王紀

曉色

晨禽爭學嘒朝花亂欲開爐烟入斗帳屏風隱鏡臺
紅妝隨淚盡蕩子何時回

昭君辭

塞外無春色邊城有風霜誰堪覽明鏡持許照紅妝
同蕭長史看妓

燕姬奏妙舞鄭女發清歌迴羞出慢臉送態入嚙娥

寧殊值行雨詎減見凌波想君愁日暮應羨魯陽戈

和湘東王夜夢應令

昨夜夢君歸賤妾下鳴機懸知君意薄不著去時衣
故言如夢裏賴得鴈書飛

蕭紀

鵲

欲避新枝滑還向故巢飛今朝聽聲喜家信必應歸

豫章王蕭綜

悲落葉

悲落葉連翩下重疊重疊落且飛縱橫去不歸長枝
交陰昔何密黃鳥關關動相失夕蒞雜凝露朝花翻

亂日亂春日起春風春風春日此時同一霜兩霜猶
可當五晨六旦諷已黃乍逐驚丸舉高下任飄揚悲
落葉落葉何時還宿昔共根本無復一相關各隨灰
土出高枝難重攀

聽鍾鳴雜體

歷歷聽鍾鳴當知在帝城西樹隱落月東窓見曉星
霧露肫肫未分烏啼啞啞已流聲驚客思動客情客
思鬱從橫翩翩孤鴈何所棲依依別鶴半夜鳴今歲
行已暮雨雪向淒淒飛蓬旦夕起楊柳尚翻低氣鬱

結涕滂沱愁思無所託強作聽鐘歌

定襄侯蕭祗

香茅

鶉鴉芳不歇霜繁綠更滋擢本同三春流芳有四時

麤根縮酒易結解舞蠶遲終當入楚貢豈羨詠陳詩

土出高林和迴文

危臺出岫迴曲磧土橋斜池蓮隱弱芝徑蓀落藤花

丘遲

九日侍宴樂遊苑詩四言

朱明已謝蓐收司禮爰理秋袂備揚旌祭奉璋峨峨

金貂濟濟上林弘敞離宮非一綵殿迴風丹樓映日

隋珠甲帳屯衛周悉睟容徐動天儀澄謐雲物游揚

光景高麗枯葉未落寒花委砌絲桐激舞楚雅閑慧

參差繁響殷勤流詣

侍宴樂遊苑送張徐州應詔五言

詰旦闐闐開馳道聞鳳吹輕花文選承玉輦細草籍

龍騎風遲山尚響雨息雲猶積巢空鳥初飛荇亂新

魚戲寔惟北門重匪親孰為寄參差別念舉肅穆恩

波被小臣信多幸捐生豈酬義

望雪

氛氲發紫漢雜沓被朱城倏忽銀臺構俄頃玉樹生
綿綿九軌合照照四區明

芳樹

芳葉已漠漠嘉實復離離發景傍雲屋凝暉覆華池
輕蜂掇浮穎弱鳥隱深枝一朝容色茂千春長不移

玉階春草

發溜始參差扶階方沃若雜葉半藏蜻叢花未隱雀

葳蕤亂碧紫蒼黃間濃薄

旦發漁浦潭

漁潭霧未開赤亭風已颺擢歌發中流鳴鞞響沓障
村童忽相聚野老時一望詭怪石異像嶄絕峯殊狀
森森荒樹齊析析寒沙漲藤垂島易陟崖傾嶼難傍
信是永幽棲豈徒暫清曠坐嘯昔有委卧治今可尚

夜發密巖口

弭棹纔假寐擊汰已爭先敞朗朝霞澈驚明曉魄懸
萬尋仰危石百丈窺重泉叢枝上點點崩溜下填填

贈何郎

向夕秋風起野馬雜塵埃憂至猶如繞詎是故人來
檐際落黃葉階前網綠苔遙情不入酒望美信難哉
敬酬柳僕射征怨
清歌自信妍雅舞空僊僊耳中解明月頭上落金鈿
雀飛且近遠暮入綺羅前魚戲雖南北終還荷葉邊
惟見君行久新年非故年

答徐侍中爲人贈婦

丈夫吐然諾受命本遺家糟糠且棄置蓬首亂如麻

側聞洛陽客金蓋翼高車謁帝時來下光景不可奢
幽房一洞啓二八盡芳華羅裙有長短翠鬢無低斜
長眉橫玉臉皓腕卷輕紗俱看依井蝶共取落簷花
何言征戍苦抱膝空咨嗟

題琴材奉柳吳興

邊山此嘉樹搖影出雲垂清心有素體直幹無曲枝
凡耳非所別君子特見知不辭去根本造膝仰光儀

范雲

効古

寒沙四面平飛雪千里驚風斷陰山樹霧失交河城
朝馳左賢陣夜薄休屠營昔事前軍幕今逐嫖姚兵
失道刑既重遲留法未輕所賴今天子漢道日休明

擬古

匣中一明鏡好鑑明鏡光明鏡不可鑑一鑑一情傷

自君之出矣

自君之出矣羅帳咽秋風思君如蔓草連延不可窮

巫山高

巫山高不極白日隱光輝靄靄朝雲出一作冥冥暮

雨歸巖懸獸無迹林暗鳥驚飛枕席竟誰薦相望空
依依

古意贈王中書

攝官青瑣闥遙望鳳凰池誰云相去遠脉脉阻光儀
岱山饒靈異沂水富英奇翻凌北海搏飛出南皮
遭逢聖明後來棲桐樹枝竹花何莫莫桐葉何離離
可棲復可食此外亦何為豈知鷦鷯者一粒有餘貲

贈張徐州謾

田家樵採去薄暮方來歸還聞稚子說有客歎柴扉

儂從皆珠玦裘馬悉輕肥軒蓋照墟落傳瑞生光輝
疑是徐方牧既是復疑非思舊昔言有此道今已微
物情棄疵賤何獨顧衡闈恨不具雞黍得與故人揮
懷情徒草草淚下空霏霏寄書雲間鴈爲我西北飛

贈俊公

秋蓬飄秋甸寒藻泛寒池風條振風響霜葉斷霜枝
幸及清江滿無使明月虧月虧君不來相期竟悠哉

貽何秀才

往葉竟穿荷蒲心爭出波有鳴驚蘋芰綿蠻弄藤蘿

臨花空相望對酒不能歌聞君饒綺思摘掞足爲多
布鼓誠自鄙何事絕經過

荅何秀才

少年射策罷擢第雲臺中已輕淄水耆復哭廣州翁
麟閣佇雙校虎觀遲才通方見雕篆合誰與畋魚同
待爾金閨北予藝青門東

荅句曲陶弘景隱句曲八十里

終朝吐祥霧薄晚孕奇煙洞澗生芝草重崖出醴泉
中有懷真士被褐守冲玄石戶栖千祕金壇謁九仙

乘鷓方履漢轡鶴上騰天

鷓一作鷺
一作且

送沈記室夜別

桂水澄夜氛桂山青曉雲秋風兩鄉怨秋月千里分

寒芝寧共採霜猿行獨聞捫蘿勿遺我折桂方思君

別詩

孤烟起新豐候鴈出雲中草低金城霧木下玉門風

別君河初滿思君月屢空折桂衡山北摘蘭沅水東

蘭摘心焉寄折桂意誰通

送別

東風柳線長送郎上河梁未盡樽前酒妾淚已千行

不愁書難寄但恐鬢將霜空懷白首約江上早歸航

奉和景陵王郡縣名

撫戈金城外解珮玉門中白馬騰遠雪蒼松壯寒風

臨涇方辨渭安夷始和我取禾廣田北驅獸飛狐東

新城多雉堞故市絕商工海西舟楫斷雲南烟霧通

罄節曠盛德宣力照武功還飲漁陽水 轉杜陵蓬

餞謝文學

陽臺霧初解夢渚水裁綠遠山隱且見平沙斷還續

分絃饒苦音別唱多悽曲爾拂後車塵我事東臯粟

詠早蟬

生隨春冰薄質與秋塵輕端綏浥宵液飛音承露清

州名

司春命初鐸青耦肆中樊逸豫誠何事稻梁復宜啟
徐步遵廣隰冀以寫憂源楊柳垂場圃荆棘生庭門
交情久所見益友能孰存

數名

一鼓有餘氣趨勇正紛紛二廣無遺略雄虎自爲群

三河尚擾攘楯櫓起檣楹四巡駐青蹕瘞玉曠亭二
五十又舒旆旗幟日繽紛六郡良家子慕義起從軍
七獲美前載克俊嘉昔聞八音佇繁律將以安司勳
九命旣斯復金璧固宜分十難空有道延首望卿雲

對酒

對酒心自足故人來共持方悅羅衿解誰念髮成絲
狗性良爲達求名本自欺迨君當歌日及我傾尊時

閨思

春草醉春烟深閨人獨眠積恨顏將老相思心欲燃

幾回明月夜飛夢到郎邊

建除

建國負東海衣冠成營丘除道梁淄水結駟登之罟
滿座盛嘉友蘋藻絕時羞平望極聊攝直視盡姑尤
定交無恒所同志互相求執手歡高宴舉白窮獻酬
破琴豈重賞臨濠寧再儔危生一朝露螻蟻將見謀
成功退不處爲名自此收收名輕車馬單步反蝸牛
開渠納秋水相土播春疇閉門謝世人何欲復何求

望織女

盈盈一水邊夜夜空自憐不辭精衛苦河流未可填
寸情百重結一心萬處懸願作雙青鳥共舒明鏡前

渡黃河

河流迅且濁湯湯不可陵桂檝難爲榜松舟纔自勝
空亭偃舊木荒疇餘故塍不覩行人迹但見狐兔興
寄言河上老此水何當澄

之零陵次新亭

江干遠樹浮天末孤烟起江天自如合烟樹還相似
滄流未可源高颿去何已

悲廢井

因舊未嘗改綠甘故先竭歷稔久無禽一朝見開滌
泌泉既斯涌短綆將焉設已獲丁氏利方見管公練

賦得井

乃鑿長林曲有浚廣庭前即源已為浪因方自成圓
兼冬積溫水疊暑必寒泉不甘應未竭既涸斷來翺

詠桂

南中有八樹繁華無四時不識風霜苦安知零落期

詠橘

萬條結寒翠園實變霜株徙根楚州上來復廣庭隅

寒松

脩條拂層漢葉密帳天陰凌風知勁節負霜見貞心

范廣州宅聯句

洛陽城東西却作經年別昔去雪如花今來花作雪

濛濛夕烟起奄奄殘暉滅非君愛滿堂寧我安車

轍遜

四色

赤如城霞起青如松霧澈黑如幽都雲白如瑤池雪

其二
差池朱鸞去續翻赤鴈歸澆澗丹魚聚聯翩血鳥飛

其三

素鱗颺北渚白水杜南苑獻環潤玉塞歸珠照環軼

其四

烏林葉將霄墨池水就乾玄豹藏暮雨黑豹凌夜寒

其五

丹如桓公廟青如夕郎門黑如南巖礪白如東山援

陸倕

詠石闕四言

惟帝建國正位辯方周營洛涘漢啓岐梁居因業盛
文以化光爰有象闕是惟舊章青蓋南泊黃旗東指
懸法無聞藏書不紀大人造物龍德休否建此百常
興茲雙起偉哉偃蹇壯矣巍巍傍映重疊上速翠微
布教方顯挾日初暉懸書有附委篋如歸

以詩代書別後贈寄京邑僚友五言

余本水鄉士閉門江海隅時逢世道泰蹇足步高衢
名成官雖立效功日漸踈一作效微入仕乘肥馬出

守擁高車關門遊昔吏遷亭有故書江派資賢牧宗
英出建旗不勞王布鼓無賴露田車弼政非責實求
名已課虛長卿病猶在脩齡疾未祛詎知亭長肉寧
挂府丞魚不能未能止內訟慙諸已僂俛從王事纒
舟出淮涘朋故遠追尋暝宿清江陰明日惜分手翻
飛各異林歸舟隨岸曲猶聞歌棹音行者日超遠誰
見別離心夕次洲岸明登天姥岑水流多迴復余
歸良未尋江關寒事早夜露傷秋草心屬姑蘇臺日
送邨鄆道葭葦日蒼蒼親知慎早涼劉兄消渴病休

攝戒無良殷弟頽疾行止避風霜劉侯有餘冷宜
餌陟釐方伏子多風咳門冬幸未將率更愛閑雅體
弱思自強吏曹勉玉潤諷議勗金相比部多暇日奚
用肆龍章建德何爲者惰疑無人鄉記室朋從暇露
蝟附行商議曹坐朝罷尺板嗣徽芳雙栖成獨宿俱
飛忽異翔眷言思親友沉思結中腸追惟疇昔時朝
府多歡暇薄暮塵埃靜飛蓋遙相迓李郭或同舟潘
夏時方駕娛談終美景敷文永清夜促膝豈異人戚
戚皆姻婭今日一乖離漼然心事差山川望猶近便

似隔天涯玉躬子加護昭質余未虧八行思自勉一
札望來儀

施泰榮

王昭君

垂羅下椒閣舉袖拂胡塵唧唧撫心歎蛾眉誤殺人

徐悝

白馬篇

研蹄飾鏤鞍飛鞚度河干少年本上郡遨遊入露寒
劍琢荆山玉彈把隋珠丸聞有邊烽急飛候至長安

然諾竊自許捐軀諒不難占兵出細柳轉戰向樓蘭
雄名盛李霍壯氣勇彭韓能令石飲羽復使髮衝冠
要功非汗馬報效乃鋒端日沒塞雲起風悲胡地寒
西征馘小月北去腦烏丸歸報明天子燕然石復刊

對房前桃樹詠佳期贈內

相思上北閣徙倚望東家忽有當窓樹兼含映日花
芳鮮類紅粉比素若鉛華更使增心意彌令想狹斜
無如一路阻脉脉似雲霞嚴城不可越言代折踈麻

贈內

日暮想青陽躡履出椒房
網中生錦薦遊塵掩玉牀
不見可憐影空聞黼帳香
彼美情多樂挾瑟坐高堂
豈忘離憂者向隅獨心傷
聊因一書札以代九迴腸

古意酬到長史漑登瑯琊城

甘泉警烽候上谷抵樓蘭
此江稱豁險茲山復鬱盤
表裏窮形勝襟帶盡巖巒
修篁壯下屬危樓峻上干
登陴起遐望回首見長安
金溝朝灞滙甬道入鴛鸞
鮮車駑華轂汗馬躍銀鞍
少年負壯氣耿介立衝冠
懷紀燕山石思開函谷丸
豈知灞上戲羞取路傍觀

寄語封侯者數奇良可歎

何寘南

荅何秀才

自憐耿不寐擁褐至宵闌
蒼茫曙月落切戾曉風酸
終朝長守饑疊夜抱餘寒
周道坦旣直弱命溘將殫
靈臺聊寄止戚里豈餘歡
思家無積斂何以拯急難

六朝詩彙卷之六十

六味膏藥卷之六十

...

...

...

...

...

...

...



